



介石堂集 詩五

古閩 郭起元

古今體

詠懷十二首

昉昉澤中田。播種在及時。光風一披拂。雨露日夜滋。耕耘毋失所。嘉實自可期。下以充倉箱。上以奉盛筵。人力苟不至。卒歲受其饑。大命寄壠畝。安可怠而嬉。蚩蚩夸毗子。罔識鋤與犁。游談耗廩食。望致生民瘼。古人帶經鋤。士農無他岐。安得返淳樸。



含鼓追皇義。

我有綠綺琴。朱絲相纏綿。彈為猗蘭操。俗耳不謂妍。置之囊匣中。塵埃暗徽鈿。昔聞俞大夫。撫琴在船舷。子期臨崖聽。曲終聲喟然。高山流水志。冥會物象先。斯人乘化去。伯牙遂摧絃。千秋知己感。此意誰能傳。

聖人重名教。老莊明自然。說無兼論有。反覆費言詮。誰知清談客。坐令晉祚湮。吾愛陶淵明。初仕賦歸田。園林祇適性。嗜酒全其天。衆人多冥行。達者

鑒。幾先。清輝映百世。仰瞻思溯沿。

凜秋肅霜氣。萬物皆堅好。人不應。賤貧身。名焉能保。皇天無私心。升沉各有造。嗤彼殷深源。一出惟小草。書空竟咄咄。不悟聲華早。士當矢令圖。守道以為寶。

出自上東門。坵壠分高低。白楊厲悲風。蕭蕭向我吹。羊席卧荆榛。狐兔竄荒陂。為問塚中人。豈意今若斯。我今不為樂。何當待來茲。呼童沽美酒。慷慨傾一卮。忽念同心友。遠在天之涯。三歲不得書。存

亡安可知。憂來真無方。淚下如綆縻。

孤蘭生陰岡。託根失所依。習習陽春風。而不蒙光輝。嚴霜八九月。綠艷事已非。衆草各有時。已獨窮年。萎申旦。懷苦心。莫令薶氣違。倘值君子交。願移上翠微。

隋侯明月珠。趙氏連城璧。豈不耀山川。非時遭棄擲。懷寶貴知希。銜鬻竟何益。君看賈人藏。珍重在燕石。

朝亦不遑食。暮亦不遑息。問客何為者。生計嗟孔

棘。客言無他長。所業惟稼穡。今時生齒蕃。田疇歸富室。下農乏錢刀。寸土不可得。犁鋤但倚墻。瞻原空歎息。在昔三代時。授田有恒式。六越阡陌。開典籍。遂淪佚。均田與限田。猶將豪強抑。世情事兼并。太甚道用革。誰為運良籌。利賴及千億。

富貴而淫侈。乃妄思神仙。徐偃遂叛周。田單因報燕。秦皇關中破。漢室巫蠱殲。學仙有何益。談者猶便便。今觀道德文。為言富五千。虛無谷神長。要妙玄牝傳。不言假藥物。翬舉凌蒼天。寄語養生者。立

說無蔓延。

金神幻入夢。名稱始漢代。元魏作永明。蕭梁捨同
泰。聿自白馬來。繁言多摶載。談空不可稽。說果竟
安在。唐憲迎枯骨。韓公志納誨。人人火其書。支蔓
用芟刈。此說不獲行。異教塞大塊。在昔既有然。徬
徨發深慨。

越客適海濱。揚帆思千里。借問客何之。為言向島
市。珊瑚連車長。明珠盈囊傀。海物不可名。其利十
倍蓰。一朝鯨魚吹。高浪如山圯。柁折帆檣傾。抱玉

長號。死念之。忽不樂。風波長已矣。

玉宇潔無塵。良夜靜無聲。葡萄錦衾爛。雲母屏風
清。為歡解明璫。並坐吹玉笙。玉笙嘹且長。河漢已
西傾。牛女相望間。一水正盈盈。終夕不得遇。相期
保堅貞。

芳巖峯觀日出

日觀峯何處。峇嶷泰岱巔。天鷄鳴子夜。暘谷散晴
煙。此地南閩境。高巖東海邊。長風來萬里。曙旭出
重淵。虹彩層層湧。鼇金片片鮮。青浮方外國。墨點

介石堂集詩五
四
島中船離照真無外。陽煦北有年。十輝書可奏。摘
筆鳳池前。

懷二弟升侯之中山國

有弟有弟共讀書。衆中自言豪氣殊。衣食累人。不
得意。海天萬里思。乘桴去年襆被出門去。至今盈
缺幾蟾蜍。曾聞洋賈說海道。泉州開柁趨澎湖。梅
花嶼東天水黑。祇憑神針定亨途。入漩恐墮老蛟
窟。破浪愁觸長鯨鬚。鳴鼉報更。盼天曉。夜暗還藉
龍睛珠。中山君長魁髻居。搓手作禮聲烏烏。島中

杭稻頗難得。但見滿釜炊山藷。鬪鏤油扇有何好。
卉服鳥言情未孚。南陔白雲北堂雨。老親望門眼
欲枯。歸來剝作廣乘紀。朋輩羨爾青珊瑚。

逸園襟咏十二首

方塘泛艇

達人滄洲意。不在窮林藪。一片冰奩中。呼鷗與之
友。

曲水流花

石礪曲通潮。幽磳人不見。乍聞聲潺潺。流出桃花

片。

西園載酒

爽氣來西山。閒園散幽步。呼僮載百壺。時與賞心遇。

東閣藏書

東壁列圖書。古人千秋業。莫云棄言詮。朝曦啟瓊笈。

荷橋飲月

虹。梁。明。鏡。中。夜。景。紛。如。繡。持。杯。勸。洛。神。為。挽。姮。娥。

袖。

竹塢乘涼

淄淄堆綠雲。蕭蕭閒白紵。却笑稽阮流林間。喧徒侶。

丹荔燒日

皎皎十八娘。絳苞逞鮮艷。金烏欲上來。却被朝霞掩。

翠麥翻風

燕尾何垂垂。風來還自舞。日暮濤浪高。移舟向村

塢。

樓頭聽鳥

何處金衣鳥。飛過碧樹樓。有人停繡指。呼伴上簾鉤。

柳下觀魚

柳陰倒鏡中。明鯈時蕩漾。笑語旁觀人。求魚緣木上。

平疇野火

日落墟煙生。古道無人語。閃閃一燈行。又過溪橋。

去。

遠寺梵鐘

幽居苦愛詩。吟對林間月。清景憐寂寥。數聲煙際發。

憶梅

零香剩蕊杳何存。笛起高樓正掩門。嶺上乍逢雲有跡。驛前重見月無痕。春風遮莫吹寒骨。山雨空來浴瘦魂。為報騷人莫惆悵。踈枝終擬伴黃昏。

竹

數行初拂檻。幾日會凌雲。適興原隨物。移情獨此君。清音風外度。細籀雨中分。誰識蕭蕭影。真非櫟柳群。

重遊雲峯

古寺藏深壁。群巒拱化城。昔年曾此憇。幽夢到今清。暖日通花氣。晴風緩竹聲。暫來仍復去。辛苦薄浮生。

賦得巖前樹色隱房櫳

突兀層巒峻。參差夏木舒。境偏無熱客。塵遠却幽

居。雲。白。常。封。戶。風。清。自。入。廬。此。中。忘。世。慮。卧。起。一。編。書。

賦得圓荷浮小葉

繁花春暮盡。漲水散新蕖。漸與萍俱長。還同荇共舒。錢。攤。微。雨。後。蓋。偃。晚。風。餘。不。乏。濠。梁。興。東。西。見。戲。魚。

謝王草堂餉茶

茂陵相如宿病渴。竹爐石鼎作生活。茗椀都籠到處隨。不論精籃及梵剎。况當溽暑蒸熯炎。長空無

雲氣鬱勃。發狂大叫。汗漬濡頭。不加巾足。不韞思
憑森伯破孤悶。更藉甘侯散幽鬱。傾餅已罄。恥惟
疊。不憂水厄愁傷暍。忽傳繭紙書數行。開封何異。
諫議札。層層綠箬裹頭綱。未睹雲腴香已發。急調
活火酌清泉。定州花磁有如雪。雲脚初浮蟹眼湯。
白羽搖風持小啜。一杯初下清心胸。數盞旋傾變
喉舌。泠泠有若御風行。爽致難教盡言說。我聞茗
芽出神山。穆陀丹邱品相埒。一飲能成行地仙。不
但延年已痼疾。蒙頂石花功最奇。玉泉仙掌名誰

匹。東川北苑南康殊。顧渚陽坡梅嶺別。驚雷舍霧
建溪春。更僕屈指數難悉。旗槍收來禁火前。烏嘴
黃芽事採擷。片薄惟堪蟬翼比。尖嫩還將雀舌截。
研膏團餅昔時尚。揀焙蒸藏今製密。君謨別擇出
新裁。晉公賞鑑尤超越。一籠計值累十千。數角金
還逾百鎰。中濡有異建業水。勤候銀餅聲唧唧。連
珠湧後乳花圓。松風檜雨須時歇。香儕蘭芷味醞
醐。宿醒為散煩滌豁。青州從事避三舍。睡魔不戰
應潛滅。雲液惟聞餉玉堂。露芽例入供廷闕。胡為

介石堂集詩五
九
茆。齋。遠。緘。寄。小。印。紅。鈴。散。書。帙。陽。羨。况。為。古。所。重。
兩。介。山。頭。見。明。月。相。携。入。社。鬪。清。芬。絕。品。登。筵。群。
味。劣。為。益。知。非。一。日。利。久。服。輕。身。自。換。骨。知。君。愛。
我。師。苦。口。不。吝。金。蓄。與。珠。藥。嶺。雲。持。贈。意。良。深。一。
種。高。風。共。怡。悅。恨。無。玉。川。撐。腸。文。字。五。千。卷。祇。愧。
香。乳。玉。塵。恣。漫。吃。

秋思

秋風吹我愁心去。越水吳山天一涯。煙柳飄搖元
亮井。露萼淡薄季鷹家。文章曾灑三年血。星漢空

瞻八月槎。那若故林營小隱。寒衣初搥話桑麻。

江上送陳騶季孝廉赴都

檻外潮聲靜不流。登高送別倚危樓。人分燕市幾
千路。日極澄江萬古秋。野鳥弄晴淹醉客。山花映
日戀征裘。一杯還進先鞭者。擊楫乘風是壯遊。

秋日簡漳浦陳少林

乍看一葉下疎櫺。漸覺空原冷霧生。物態就衰如。
有恨。人顏不駐。豈無情。山前搖颺楓初暎。籬畔芬
芳菊正榮。翹首望君君未到。幾回對月滌深觥。

大風行

東門爰居樂。鐘鼓宗都六。鷁振毛羽。犁頭雲起虹。
飲江颶。毋風生。挾斜雨。仲秋八月天未涼。炎焦鬱
蒸酷。殘暑思移冰。簞圖熟眠。地濕如膏水。浮礎團
蕉扇。小不停揮。目眩心忡。體煩苦。倚樓待月月初
上。腫朦無光映江渚。須臾墨雲飛。片片渡河黑。豕
紛可數。忽聞蘋末來。颶颶葛衣涼。颶入纖縷。幾陣
纔過。裂葉聲浸淫。盛怒土囊口。欲從雲際望。鳴鳶
竟入深林。聽嘯帟雨師。駭駕隨風來。亂洒斜飄復

狂舞。海門濤起高如山。一湧驚看失激嶼。倒翻肯
顧地軸折。奮擊不畏天關拒。長途孰敢進。征駢遠
渚難教掉柔艣。盲風恠雨夜復朝。昏曉不辨訛卧
起。溪南茅屋積數年。屋上茅稀荔為補。狂吹繩樞
悉斷絕。震蕩蓬華何遮禦。羊角高旋入杳冥。幾椽
零落歌南浦。庭前綠樹取竒古。露葉煙條護棟宇。
根拔枝摧倒路旁。良材眼見歸斤斧。早禾離離已
垂粒。晚稔乍秀花初吐。山南豆熟子堪摘。枝頭芙
重歌秋塢。逆折橫披墮汚泥。望斷登場實倉庾。頻

年傷旱民不聊。糠粃愁難給腸肚。今秋有成復失望。轉徒流離知死所。更有南江民可哀。插竹編蓬託沙澣。風餐水宿盡辛勤。女織男耕此瘠土。一朝飄沒隨波臣。齟齬多貽魚腹飽。纍纍乘流泊海濱。骨月誰收憑朽腐。獐獮白日截脰去。螻蟻青蠅共旁午。皇天好生不好殺。孰謂蒼蒼無聽睹。屏翳箕伯敢縱暴。民愚應自干天怒。即今誰是鄭監門。急繪情形通黼座。

訪陳廣生賦贈

落葉蕭蕭一迳深。為憐書客遠相尋。蛛絲織雨垂寒幌。鴉陣團風下暮林。拈管搗辭看倒峽。提壺沽酒為同心。談深爾汝形骸化。一醉陶然發浩吟。

贈曉山上人

精藍小築傍城東。獨向民廛結梵宮。諸事盡除詩癖在。一燈不斷佛心空。竹苞愛爾凌霄長。槿萼憐他過眼紅。自解推敲刪俗調。浪仙何必遇韓公。

訪嘯月道人

天風獵獵澗潺潺。策杖尋幽遠世間。老去多情惟

綠醕。別來無恙是青山。丹房藥熟龍蟠鼎。竹塢香
清鶴守關。中夜冷然發清磬。人知雲水倦遊還。

訪菊

為踐淵明約。裁詩擬做陶。隣家綻金菊。携客踏菜
蒿。種遜石湖富。品同貞士操。南山見籬外。乘興欲
登高。

苦雨行

仲冬乃淫雨。連綿竟匝月。長渠捲白波。溝口鳴決
決。有如熟梅天。積潤膏礎磧。又如插秧候。白水浸

吟。啜浮雲傍檐飛。濕霧入門闥。冥心學枯禪。禁足
如被刖。攤書欲微吟。眼暗不終帙。中厨起炊煙。煙
靄迷一室。迴風吹竈觚。爨婦淚平溢。空焚丙丁符。
愁霖未肯歇。衰年性怯冷。頗思負朝日。夜卧常不
寐。牕月景清絕。何當兼旬久。未見紅日烈。中宵輾
匡床。簷溜聲蕭瑟。夢破燈燼時。窺牖暗如漆。未知
絃上下。那曉月盈缺。今年節稍遲。十月終小雪。禾
獲始登場。場工尚未畢。隨逢日日雨。農夫且安逸。
囷頭麥芽卷。積底豆苗茁。眼看嘉穀壞。狼戾不遑

恤。漕艘駐河干。運租待北發。玉粒急輸將。庶免吏
嗔喝。塗泥深沒踝。礮碾未脫粘。迴思夏秋交。旱苗
欲枯折。終朝望雲霓。點滴不教泄。典衣事桔槔。河
泥作冰裂。颶風復狂吹。稻花恣剝擊。歎歲因以成。
語及氣猶咽。茲當閑歲候。又非長養節。龍潛固其
所。未用澤群物。胡為日滂沱。復聽鶴鳴埵。田家仰
屋歎。補天帳無術。辛勤得薄收。終為雨師嫉。願迴
羲和馭。杲杲見日出。陽烏翼迅振。陰霾氣掃滅。

除夕有感

可歎流年此夕更。風塵事事足心驚。三春花鳥看
交態。八月波濤想世情。濁酒半瓶甘醪酌。清琴一
曲自和鳴。明朝誇我還強健。誰道霜毛鏡裏生。
昔人謂阮步兵詠懷詩。閱論眇旨變化無端信
矣。然晉尚玄虛詩。雖工不避於正。復齋言志十
首。理精神肅如箴。如銘。自抒所得。可以發人深
省。斯為有功世道之文。五絕節短韻長。五律體
兼王孟七律。在元和長慶之間。長篇骨騰肉飛。
中間關鍵謹嚴。起伏頓挫。乃有韻之古文也。虞

山阮亭而後非君孰為嗣音者哉

桐城姚孔
道充跋

介石堂集 詩六

古閩 郭起元 復齋

古今體

賦得青歸柳葉新

木德乘權早。東風應律新。鵝兒黃汎酒。鴨子綠通津。
雨潤章臺色。煙消灞岸塵。三眠慵乍起。八字埽還勻。
秀奪遙山黛。嬌連芳草茵。映空何漠漠。漾沼復粼粼。
未覺葳鶯穩。差堪舞燕頻。龍池如可借。浥露拂勾陳。

八日集林封君園看梅

獻歲又七日。時光如過鳥。靈辰古特重。所繫實不小。晨興望長空。煖旭耀蒼昊。綠搖渡口楊。青回陌上草。蜂遊三徑喧。鳥語枝頭巧。玉梅花漸開。清標映晴曉。杖策動高興。結伴春共討。隱君在東郭。心遠地深窈。文章過應劉。詩篇壓郊島。好客情無窮。縞紵每傾倒。探梅有夙約。招邀欲犯卯。爰偕我友行。仄迳城隅遠。沿溪度畧約。深林森綠篠。遙瞻屋角。花飛雪散木。杪。輕風吹客衣。暗香來縹緲。高齋

啓晴牕。四壁圖書繞。渠几列群玩。纖屑皆可寶。後先集衆賓。一一盛文藻。知心誠可樂。新雨皆夙好。芳筵飲侯鯖。傾竿進清醪。携手步名園。花迳苔淨埽。梅開纔幾株。香韻極杳眇。踈籬隔古塘。春潮生淼淼。石磴排高岡。雲山一登眺。坐憩草亭幽。恠石纏蘿蔦。玄談盡名理。竒論出意表。亦有晉人風。雅謔不為颯。興酣發浩歌。倚聲笛嫋嫋。相歡樂未已。日夕煙光繚。主為更洗琖。客已歌既飽。清觴宜雅詠。用以抒懷抱。看梅詩。凡幾名作。知不少。吐詞貴。

新穎句拙。被花惱。爰邀即席賦。題箋不具稿。諸公倚馬才。手柔稱弓燥。落紙千萬言。倒峽流未了。顧余魯鈍姿。荒謬託衰老。詎能應鉉聲。慚惡心有愀。言辭主人去。銳避楚師慄。還羨高達夫人日。詩寄早。

籬角梅

誰移一樹向溪濱。槿障周遭隔俗塵。耿介那須求廣土。幽荒何事滯佳人。尋詩不向陶公迳。把酒還呼杜老隣。向晚東林明月上。風光占斷小園春。

亭前梅

冰霜幾度費相思。臘盡春回趁好時。裊裊幽香飄几席。累累素榮映茅茨。休懷內苑紅羅勝。莫羨仙山綠萼奇。曉日鈎簾頻注目。却訝姑射到來遲。

溪邊梅

清溪幾曲暗香通。喜見仙標古渡東。漢女珮搖珠燦爛。洛妃影度玉玲瓏。不嫌冷淡漁舫雪。肯受淒涼荻岸風。白鷺飛來還共宿。阿誰描入畫圖中。

橋畔梅

仙姿一瞬眇愁予。遵路何因攬子祛。雪裏詩人來
策蹇。春回驛使倩傳書。倚風莫待隄邊柳。照月還
浮冰。下魚畢竟塵埃難寄跡。幾經攀折著花踈。

雪後梅

勁骨由來不畏寒。任他玉女自駭鸞。色從賽處偏
增艷。香自凝餘未易殘。凍蕊半垂敷膩粉。冷葩全
放襯輕紈。梁園漫有高人賦。不寫瓊枝與衆看。

月下梅

遠望中庭一樹霜。舉頭新月下迴廊。不聞瑤珮叮

噹響。忽遇珠衣縹緲香。恍恍若遊蓬閣境。空濛還
在水雲鄉。羅浮有客真堪笑。永夜迢迢入夢忙。

雨中梅

江寒城郭雨霏霏。著屐探春願未違。劇愛瓊苞添
潤澤。不愁玉骨減芳菲。魏宮湯試何郎面。巫峽泉
沾神女衣。好慙綸竿煙水宿。孤山應自有苔磯。

霧裏梅

冷霧迷漫罩玉容。相看儼似隔簾櫳。淡妝未許分
明見。幽馥猶能隱約通。西子顰將輕縠掩。文君倦

倚碧紗籠。枝頭欲覓春深淺。欺盡人間老眼。矇

賦得惜花春起蚤

昨夜天桃初破萼。丁香欲卸辛夸落。風光轉眼直堪憐。低徊懶上秋千索。曙色臨窓驚醒來。整衣點纈下平臺。試猜犯曉綠。何事為探海棠開。未開

訪友新宅喜贈

接武巷南北。兒時共釣遊。鶯遷三月暮。人隔十年秋。迳曲沿青嶂。門開俯綠疇。相逢訊佳况。喜未白盈頭。

拂檻荷風入。清流帶此堂。垂桃遮洞戶。高柳過鄰塘。五月陰深覆。輕衫坐久涼。詩成追夙昔。更接酒杯長。

賦得一軒春雨共僧碁

滿迳殘紅晝闔扉。踈簾清簟影霏微。文楸局下春庭寂。玉子聲中雨滴稀。一瞬興亡成浩劫。幾番格鬪誤當機。遠公獨占浮山席。願就方枰問指歸。

花下小飲

愁魔不用掃。樽酒罌春臺。醉後聞鶯語。花無兩度

開。

溪南草堂歌

苔碕兮蓬屋。魚鱗之漪兮一曲。渦盤兮洄狀。風舒
徐兮水波澌。巾青天兮琴滄浪。招白鷗兮送黃鵠。
匪濯吾纓兮。匪濯吾足。懷賢其渴兮。誓將心沃。
紉履兮布服。蓮葉其舟兮。魚鱗其屋。雲淨兮天開。
蘋白花兮草豐綠。何曲曲兮釣釣。將恢恢兮網目。
仁義是漁兮。憺口腹。吾不人累兮。人誰吾辱。

送曾紫函赴都

輕鷗細浪近蘭橈。綠酒紅燈對柳條。度嶺關山方
浩浩。過江風雨莫蕭蕭。塵飛古道青袍暗。草覆平
原白馬驕。此去群公應側席。長卿詞賦動雲霄。

過常思嶺

孔雀塘邊路。常思嶺上行。坂田多筍。确泉水自澄。
清。捆載多洋賈。旌旗列戍兵。何時謝塵網。叉手看
春耕。

沙潭舟次

雨後舟行好。煙光似曲塘。遠湍鳴野碓。古寺映疎

篁戲蝶穿帘度。游魚泛藻揚。停橈倚微月。高興咏
滄浪。

瀨溪夜渡

月明行十里。寂靜瀨溪船。遠火時過樹。幽禽已宿
煙。邨斜穿徑入。石碎斷橋懸。對此羈懷滿。臨風獨
叩舷。

三老建船能渡險
者為三老

三老多鰲面。行舟號寂能。片鷗衝駭浪。驚狖落枯
藤。嶮險還須下。灘高着意外。已曾知曲折。捩柁豈

無憑。

牽纜子

一舟灘石下。牽挽寂勞君。猿掛愁巖滑。蛇行患草
紛。客途多險阻。生計在耕耘。胡不歸田去。柴門掩
夕曛。

賦得雨打梨花春閉門

雲情雪態獨嬋媛。妬雨橫侵白晝昏。金谷樓前成
慘別。馬嵬驛舍斷芳魂。徒教倚檻增惆悵。更忍臨
軒引淚痕。拚掩雙扉聽春去。免看麗質痛煩冤。

泉州劉太守招飲賦贈

閩嶠雄州列。溫陵望寂峩。虹梁橫海汜。雉堞亘坡陀。五馬旬宣徧。連城保障多。藜光生夜閣。桑蔭被陽阿。傾蓋雲龍合。開筵風日和。綺聲傳趙女。瑟奏秦娥望。已崇臺閣情。偏愛薜蘿。飲醇兼飽德。私竊附羊何。

櫻鞋

葵鬣成文履。輕移稱遠遊。山行隨露染。水涉信煙浮。不羨躡珠貴。差同織草幽。志和傳雅製。幾網着

殘不。

箬笠

野客厭冠冕。新裁綠箬寬。不愁日杲杲。能禦雨霏霏。荷擔隨樵斧。披簔共釣竿。舊交車未下。何用責盈寒。

藤枕

曲肱亦何樂。薦枕乃怡神。玉石豈非寶。香藤獨可親。軟逾裝蜀錦。涼不異湘筠。更喜通中好。花芩入夢頻。

竹簟

承歡美清夜。珍簟出篔簹。八尺含風細。雙紋帶月涼。光搖雲母幌。滑稱水晶牀。野客何由得。徒懷却暑方。

雁字

鴻鴈南來楓葉秋。排空歷歷喚雲頭。濃書匹練清江遠。澹寫霞箋碧漢悠。已向開天摹一畫。還從映日學雙鉤。須知識字終為累。難免離鄉萬里遊。

魚梭

漢上魚游樂意融。如梭跳擲戲雲踪。穿從荇藻機絲密。織入芙蓉錦綺工。鼓鬣有能超屬網。揚鬣何處釣連筒。幼輿不必驚相顧。應是鮫人急女紅。

詩囊

古錦裁成著采箋。了無著澁富瑤篇。携歸遠水遙岑外。佩向蒼煙落照邊。貯盡風雲窮秘思。平緘花鳥有餘妍。黃金虛托教虛擲。為問奚童絕可憐。

酒帘

半頁青帘照綺霞。迎風微颭太天斜。鷓裘欲解難

辭醉。玉佩將留未用賒。入望詩人行。勒馬近看豪。
客已停車。杏花邨口分明在。不向騎牛問酒家。

像生荷花

不道人工巧奪天。居然菡萏出波鮮。裁成綠蓋迎
風捲。剪就紅衣帶露妍。春蕊未抽先灼若。秋塘零
落六駢田。分明清水池邊見。四季芳名與共傳。

像生萱花

殷憂百結豈能忘。像做庭萱亦可傷。六出跗纖開
夜合。四垂葉碧映長楊。枝枝似笑誰知質。朵朵生

香。製獨芳。從此宜男莫紉佩。好同蠲忿綴丹黃。

早行飲邨店

山木露猶滴。江扉靜不開。聲知巢鳥出色。辨遠峯
迴。舊憩茅檐店。重拈竹葉杯。時清人意好。戀賞一
徘徊。

同僧話茶

排遣何曾去。思維亦是塵。到來為樂果。拋却即愁
因。松老皆成石。花清欲避人。不尋方外侶。誰與共
怡神。

中秋夜同兄約園登臺賞月

何事層臺月。偏當此夜清。冰奩一以照。珠斗若為迎。碧樹濃陰合。紅渠薄媚生。聯吟興未畢。城漏已三更。

秋興

蕭蕭木葉卸林叢。玉宇涼專昨夜風。碧漢露濃仙掌潤。明河星渡客槎通。知交寂寞琴聲裏。情事悲淒酒盞中。衰病已甘淪落慣。那堪時節又飄蓬。小築城闈只數弓。秋光一片入幽衷。累累黃綻籬

邊菊。歷歷丹明嶺上楓。避俗不須嗟世態。安貧何必問蒼穹。朝來野水明如鏡。欲上漁舟放釣筒。

蓬藁寧甘牖下終。金貂原不羨崇隆。心如來日愁餘短。興自頻年病後空。沙磧潮迴翔旅鴈。荒塗草蔓絮寒蟲。客愁拓處看秋色。簾押低垂怯晚風。

荷敗蒲荒八月中。招携幸有故交同。騷心賦手推群彥。玄白禪機悅老翁。賭酒自知居戶小。鬪茶猶肯讓人雄。閒情斷入游仙夢。方寸初澄覘靜功。九辨愁深宋玉同。萼羹鱸膾羨江東。痴非因酒終

當戒窮。或闕詩。幸和工。蘆荻臨風千頃白。芙蓉照
水幾枝紅。攤書夜坐蛩吟院。點點踈鐘出梵宮。
腰鎌處處急農工。遍野黃雲樂歲豐。私債券徵期
納結。官租符下待開鑿。魚魯當港朝煙白。蟹舍沿
流夜火紅。土亢難耕牛服軛。高天俊鷗自摩空。
海上秋濤勢愈雄。白波吹捲貼長空。飄絲不厭沾
衣雨。脫葉先賒落帽風。亭廣平臨越王墓。泉流近
出羽人宮。扶筇獨上高巖望。歷亂山花滿澗紅。
鳧鷖罷浴冷溪莢。極目雲汀數斷鴻。芡老昂頭房

可摘菱浮露角腹。能充一輪皎月當澹白。半頰衰
頽倚酒紅。秋興杜陵千古擅。傲顰深愧浣花翁。

窗外芙蓉

初日下簾鉤。芙蓉照霽秋。錦雲何絢爛。羅帳忽風
流。欲語先含笑。微酣尚帶羞。夷光未載去。聲價孰
能酬。

瑞雪謠

朔風吹天天欲坼。黯澹黃雲起平澤。玉龍酣戰瑤
水濱。鱗甲飄零墮三白。去年無雪冬不寒。無衣得

飽還生歡。今年無雨過三月。春漲不發桃花灘。入
夏早魃走山峽。江湖波淺龍潛蟄。秋期秔稻嗟歉
收。猶患井泉無處汲。農夫田婦淚難禁。鴻雁哀數
中澤吟。誰知天道無終極。灾降旋聞沛惠深。青女
朝隨滕六至。方珪圓璧紛紛致。心知陽燄已全消。
更想遺蝗應入地。狂舞斜飛似學顛。青青宿麥早
芊眠。松。敲。竹。壓。未。遑。惜。清。寒。只。為。梅。花。憐。東。郭。先
生。愁。盡。破。剡。溪。放。艇。誰。能。那。擁。被。高。吟。風。絮。詞。閉
門。且。學。袁。安。卧。

復齋學問淵深心地昭曠全詩俱臻上乘此卷
緣情賦物即景題詩舉古來屈宋唐景庾鮑潘
江畫入鑪冶中揮灑而出蕭散閒遠雪落滿絃
天花繽紛非煙非霧展讀一過直欲騰身上界
遊矣但以為謝朝華而啓夕秀者猶非能知是
詩者也 太湖魯之裕亮儕跋

介石堂集 詩七

古今體

建寧督學使院元日

古閩 郭起元 復齋

冰壺玉尺喜高懸。絳帳春風又一年。嘉植已看栽上苑。潛鱗猶待出重淵。地連雲谷人文萃。源自瀟溪性學傳。愧我幹材來立雪。不堪遲暮嘆華巔。

督學周老師太母夏太夫人壽詩一百韵
帝轉奎躔柄。仙栽閩苑枝。華星流漢渚。寶樹蔭瑤

池。徙。衍。姜。姬。古。樹。蕃。任。氏。宜。槃。匝。嫺。內。則。蘋。藻。習。
風。詩。邈。系。原。崇。姒。徵。祥。合。降。媯。夏。聲。占。自。大。周。祐。
篤。維。祺。輪。御。迎。門。日。縹。囊。舉。案。時。匡。衡。居。鑿。壁。劉。
向。閣。然。藜。黽。勉。藿。鹽。供。辛。勤。井。臼。持。克。勩。名。士。業。
預。闢。象。賢。基。零。雨。條。桑。館。熏。風。濯。錦。泚。庶。著。堂。上。
饋。雜。佩。閩。中。遺。清。瑟。朱。絃。靜。猗。蘭。碧。琬。滋。匡。廬。蟠。
秀。阜。彭。蠡。演。靈。陂。誕。育。元。精。聚。芑。苻。景。佑。垂。麟。書。
翔。關。里。鳳。紱。集。豐。岐。夫。子。真。宗。匠。由。來。秉。母。儀。善。
歸。親。益。著。功。啓。詰。尤。奇。建。國。先。倫。敘。經。邦。在。論。思。

文。詞。資。拜。獻。聲。教。訖。懷。綏。薄。俗。儒。之。敝。曉。音。古。所。
嗤。訛。淫。中。心。術。柔。荏。少。肩。仔。脂。粉。南。朝。體。喧。呶。下。
里。辭。孟。荀。誠。濶。絕。楊。馬。詎。聞。知。墻。面。由。他。立。茅。心。
孰。肯。撫。帟。蒙。羊。質。劣。豹。變。鼠。文。疑。畔。道。言。如。沸。離。
經。口。似。箕。釀。成。時。札。瘡。罕。見。物。恬。熙。日。月。光。三。極。
山。河。奠。四。維。篤。生。良。不。偶。拔。萃。信。難。羈。胎。教。儲。清。
淋。童。年。夙。挺。嶷。扶。桑。朝。旭。吐。暘。谷。曙。霞。披。欲。埽。秕。
糠。淨。還。需。飛。躍。期。神。靈。仍。遜。學。卓。犖。更。多。師。河。雒。
紆。鈞。摘。聲。歌。寄。誦。惟。禮。求。綿。最。邈。書。邈。玉。杯。貽。魯。

史幽誰聞。丘山法可追。九家搜橐籥。七畧奏笙簧。
子夜和熊瘁。餘閒斷織綳。成名由式穀。天祿荷親
慈。發解才超類。雄文力起衰。三弧七札貫。一柱百
川砥。仙佛齊顛俯。莊騷困走馳。歐陽尊鄭姥。軾轍
仰程姬。裕後雲圖展。輝前海運移。桂林喬梓列。雁
塔鵲鴿隨。鵠峙黃金陛。鯨吐白玉坻。西清擬弁冕。
東閣佇綸絲。屢掌芙蓉鏡。頻添桃李姿。岷峨翹樸
棧。巴漢躍龍螭。夢賚皇衷切。明揚國老推。維南
並鄒魯。聲教賴夸夔。運掌鈞陶速。當空藻火摛。自

然釐白黑。無復混妍媸。冰蘖搽常凜。風雷化蚤彌。
十。閩。歸。雅。正。八。代。振。聳。痺。士。造。春。臺。樂。公。懷。愛。日。
怡。魚。軒。來。棣。棣。象。服。被。迤。迤。雲。護。南。陔。草。風。煦。北。
嶺。芝。安。流。青。雀。舫。薄。靄。翠。龍。旂。八。座。起。居。徧。三。多。
福。嘏。提。紫。泥。花。匠。匠。紅。綬。繡。歲。絃。緬。波。徽。柔。績。皆。
緣。仁。儉。孳。同。根。念。行。葦。一。本。篤。鳴。鳴。曳。帛。何。妨。澣。
耘。苗。勿。怠。耜。睦。姻。敦。族。黨。推。解。惠。氓。黎。閩。範。欣。躋。
此。神。庥。協。在。茲。揚。芳。姜。女。則。步。武。謝。家。規。喜。叶。熊。
羆。兆。欣。瞻。鸞。鷲。隨。文。孫。勝。舞。綵。阿。母。快。含。飴。第。一。

家聲擅。

公子名而衍南昌府庠入泮第一

昂千天路夷。覃精探易

象。妙悟解圍碁。摩壘知驍銳。趨庭更顯丕。定應調

鼎鼐。先已匹尊彝。桐幹森陽嶧。松身秀崦嵫。懷清

何猥瑣。石窳桓毫釐。誨育成三世。綢繆鞏四陲。有

終苻地道。多慶上雲逵。經是倉庾業。慈為巾幗師。

幘幪周宇內。錫類決天涯。生等凡庸質。材慚樗散

資。攻文枯若木。處世鈍如錘。海欲將蠱測。天恒以

管窺逢人遭嫉妬。望古愴心脾。雖抱迴瀾顛。寧能

隻手搯。何期叨福庇。提挈聖華榱。先敢牛心炙。徐

傾螺尾卮。校讐繙甲乙。品隲辨醇醜。百仞師門峻。

千齡母祚曦。琪花開四照。溼露咽三峴。節屆青陽

候。籌添紫海渚。武夷鸞帳設。蓬島鶴笙吹。燕喜承

筐筥。霓裳繞副笄。釵頭飛戴勝。機畔轉黃鸝。高節

堅逾栢。愚衷赤比葵。伏姬書肯授。晁錯識慚卑。覆

載恩無量。生成德不私。聰明登耄耄。康樂到期頤。

報國文章在。躋民仁壽嬉。萬年輝寶婺。坤象麗中

台。

題武夷溪山圖

閩嶠數靈境。屈指先武夷。籤籙二子來。遯跡或云
 魏王子。騫辟穀學道。恒於斯。周衰龍扈正。爭鬪洞
 中。日月羲皇時。人言嬴政二年八月十五日。君宴
 鄉人山之屈。紅雲之袒紫霞褥。歌鈴鼓板鐵篴吹。
 傳呼曾孫六。偶爾虹橋一去。鸞馭不可追。蛻骨漫
 函黃心木。乾魚作饌。冲佑名其祠。我昔曾泛竹簿
 艇。九曲步步爭幽竒。初從玉女峯邊過。三石紅潤
 嬋娟姿。千尋鐵障太古色。大藏小藏左右隨。御茶
 園在第四折井亭。焙榭今離披。山巖瀑布忽傾瀉。

雪龍噴薄光。渺瀰天柱峯。高望不到白雲菴。前心
 神怡。萬峯亭子冠山頂。隱屏接笋更參差。銀潢縈
 紆抵涯岸。星村桑柘間。茅茨巖壑洞。壑各異狀清
 夜。魂夢常見之。今茲畫圖何人作。意匠遠近分毫
 釐。洲情渚思望不盡。峯巒匝重碧。滋青坵方壺
 若在眼。武陵桃花俗可嗤。山中猿鶴慣嘲笑。松風
 水月無人知。明朝欲訪舊遊蹟。只恐採芝啖朮便
 作千季期。

邵武謁李忠定公祠

宋丞相李諱綱
 字伯紀邵武人

宋祚昔中衰。金人恣侵軼。君臣志講和。束手就羈
紲。隴西本儒生。揮戈斷金鐵。驀披神臂弓。射却梟
騎突。敵來資捍禦。敵退還罷剗。所以青城驃去國。
傷蹶躡。惟公建大猷。戰守計毋缺。經營收兩河。規
模甚卓傑。忠誠貫天地。節義光日月。掣肘逢汪黃。
國事終債裂。讒夫逞嚙沓。老成悲播越。江湖魏關
心。十事仍嘔血。良謀適不用。敵主仰風烈。生共山
岳重。歿同天柱折。後來張與趙。詎能望閭闔。紫陽
續綱目。大書義昭揭。千秋一偉人。睿宗祀當列。空

祠轟故土。蘿蘚侵殘碣。瞻拜脩藻蘋。溪風颯寒雪。
汀州沙坪塘。峻嶺入雲中。坼一澗。陸絕而
下。為諸縣水口。澗中大石。若堂若樓。若舟
車者。縱橫無數。春杪積雨。萬山飛瀑。入澗
激浪如奔雷。濺沫成霧。人緣磴道。心骨俱
寒。土人名雷吼澗云。

匡廬雪瀑瀉天際。呂梁懸流三十里。人間奇境得
傳聞。竭來遐方訝。睹此新羅九屬盡。山縣巒嶺溝
涂錯。踵趾杪春陰。霖越二旬。側嶺橫峯泉。汎汎穿

雲。裊。松。四。灑。落。處。處。玉。龍。矜。爪。嘴。終。焉。萬。壑。爭。一。
門。入。峽。埽。槽。石。觸。抵。建。瓴。迅。若。洪。河。傾。扼。隘。轟。如。
伏。礮。起。瞿。塘。灑。瀕。搏。浪。花。十。萬。雄。雷。戰。地。庑。征。衣。
蒙。戎。濕。霧。兩。人。行。磴。道。若。緣。螳。砵。磅。欲。作。三。日。聾。
清。冷。直。沁。百。重。髓。生。予。愛。泉。咏。鬢。發。澄。澄。一。潭。照。
清。泚。豈。知。竒。險。歸。水。石。憑。陵。震。蕩。何。時。已。偶。然。劣。
足。泛。鵝。鴨。人。鮓。甕。頭。悲。沸。水。下。山。剪。紙。招。驚。魂。明。
日。泥。乾。進。方。軌。

龍巖道上

辣。闌。山。形。穹。且。長。前。岡。後。嶺。迭。相。望。平。近。城。松。栢。
有。幽。意。紅。躑。躅。花。嬌。路。旁。

漳浦弔黃石齋先生

當。年。物。望。重。三。君。瀝。膽。披。肝。靖。稜。氣。厓。海。莫。填。精。
衛。石。空。坑。終。潰。鸛。鷓。軍。遺。文。妙。悟。通。玄。解。舊。業。寒。
郊。鎖。白。雲。曾。否。瞽。宗。脩。祀。典。史。臣。今。已。紀。清。芬。

同安道上望大輪山

大。輪。山。在。同。安。野。官。道。之。旁。氣。磅。礴。輿。圖。曾。誌。石。
甚。竒。今。日。見。之。吁。可。愕。蛟。龍。互。躩。踞。獅。豹。恣。搏。攫。

稜稜挺鋒刃。睽睽露齟齬。或如大人峩冠綴旒朝。
玉京。或如竒鬼赤手操蛇戲冥冥。或如飛旗張蓋。
駭鸞凰。或如披甲荷盾駕騶駱。或如驚猱駭鹿崖。
上馳。或如跛羊豮豕溝中落波濤。起伏非一狀。奔。
雲掣電時。發作罔象出水山。魑迎老魍更自蹻一。
脚。世間惜無吳道子。為寫形模貯囊橐。遙瞻已厭。
好異心直。御冷風。適寥廓。

泉州使院有海嶼附試生童文義可觀喜

賦一首

舉子家何處。茫茫巨浸中。珠星隨橐籥。璧月送船。
篷。為厭侏儻俗。來親禮教風。呈材歸大雅。明鑑仰。
文翁。書本程朱解。經推馬鄭宗。雍容將永夕。磅礴。
似良工。曉日釐金麗。高秋鵬羽翀。珊瑚裁筆格。翡翠。
貼詩筒。似此聲華溢。真看德澤融。瀛洲欣不遠。
應許客槎通。

永春道中

石路崎嶇間棘榛。彈丸城子冠嶙峋。何因得遇仙。
蘭種三十花。開一幹。春閩蘭一幹三十花者惟永春有之

過洛陽橋

岸上青山似洛中。

唐宣宗語

海邊橋影亘雙虹。

橋有男女兩條

男橋通官路長三里

却憐醋字功成後。小隸居然

侑享崇。

相傳泉守蔡君謨建橋時患海潮衝擊移牒海神遣皂隸夏德海齋往德海卧於海

濱待潮至及潮退探懷中有回牒啟封大書一醋字君謨悟鳩衆以二十一日酉時興建至期潮果

不至而橋成今橋心建廟祀君謨旁有德海祠六時祭享

莆中使院徐星友約同訪夾漈草堂不果

悵然有作

曩括垂緒言。由博斯返約。目不窮萬卷。奚稱道問。

學。莆中鄭漁仲。古今羅橐籥。緝成通典書。儒者資

考索。輓近學術陋。見聞日淺薄。彘彘兔園冊。漫將

青紫博。徐子生江左。意度實恢擴。鑽研與誦維。古

學大。張拓使者僉揆薦。應詔先秘閣。貧無以治

裝。文獻埋坵壑。知己遇宗工。聘延入帷幕。丹黃點

勘餘。慨思古人作。此地夾漈鄉。辨香欣有托。招邀

犯卯行。煙雨暗城郭。官齋冷。松筠空。岩怨猿鶴。明

朝風日晴。同着遊山屩。

興化道上

客行眠不得。度嶺曉寒天。殘夢篔簹月。迷情浦漉煙。風林巢鳥語。露草網蟲懸。處處鳴榔者。呶啞水上田。

福州使院贈蔡芳三

亭亭碧梧桐。植根滄江潯。威鳳巢其巔。鏘鏘鳴好音。翔翺雲霄際。求友及遐深。朝遊閩風闕。夕宿南海陰。孔鸞前後隨。鷄鷓振毛襟。璩璫野鶴姿。氣感六哀吟。主人攬德輝。為撫朱絃琴。和鳴應金石。恬淡娛人心。常恐鷓鴣鳴。衆芳委枯岑。寄言來儀者。

丹山共相尋。

喜晤保漢渡上舍係元大帥擴廓帖木之

後擴廓小名王保元亡其後裔以保為姓

淮泗飛龍起在天。不臣王保意愀然。明太祖臣服天下嘗歎獨

不得臣後嗣還跨揚州鶴。上舍通州人通乘興來

攀海嶠蓮白壁昔曾垂遇合。保以薦而未售青瓊今獲誦

華篇。知君自有班超筆。萬里乘風上紫煙。

贈沙孝廉集生

奎壁光芒麗。紫宸五陵佳氣萃。斯人文追班馬

星河壯。詩擅潘江綺繡陳。玉版揮毫傳妙蹟。金壺
醞酒愛芳春。綠衣又欲寧親去。一路斑駁草色新。

贈陳士升

襖被蕭然到劍津。古懷相對坐良辰。欲將肘後經
綸業。吮育岩前造化春。橘井丹調三品味。杏林垣
見一方人。太坵名德君兼脩。佇看蒲輪紫誥新。

贈林涇雲

幾載操觚京洛遊。瑤箋璀璨見銀鈎。鸞翔鳳翥人
爭羨。鶩野鷄家未足儔。斜日梧陰人靜後。明燈荷

館夜涼秋。逢君滿汎金壘酒。醉寫羊欣白練柔。

贈何孝齋其聰

髯翁鄉曲共題襟。今日官齋遇賞音。妙解色絲能
辨石。更憐爨火欲收琴。風簾碎影茶甌靜。月幌清
光酒盞深。想像拈毫蕭淡處。梅花應已入新吟。

泉州施友以荔支餉使院同人為賦一首

我来刺桐城。節候值陽午。秧雨晚乍晴。麥風曉清
暑。含桃薦已陳。蒲菹溲登俎。霧淨盧橘林。煙流楊
梅隴。有客艷荔支。間關恨脩阻。辟彼絕世姿。却在

介石堂集詩七
泉江許。移根愁化枳。榮悴依南土。今夕復何夕。承
筐接仙侶。恍疑洛水濱。明珠贈交甫。果蕾聚精英。
色香耐含咀。先從入手論。嬌倩勞摩拊。臙脂劇可
憐。十五桃腮女。紅綃卸中單。玉肌湛甘乳。霏霏楊
環唾。沁沁孫壽。齠。婉。變。阿。蠻。腰。橫。陳。小。憐。股。形。模
詎自今。嗜好還溯古。作貢止唐羗。築宮勞漢武。誰
知驛騎塵。終動漁陽鼓。尤物信傾國。炯戒在明主。
吾儕淡駘人。逸興寄園圃。一罌天醴滌。堪慰遠行
旅。圓同韓嫣彈。尖比衛玠塵。桃羞彌子遺。梅陋曹

公煮。衡品冠葡萄。聞馨接蘭莊。雖艱細君貽。頗饜
老饕哺。隄防絕燕蛙。撲互喧僧賈。携來火齊堆。望
去珊瑚藪。廣南并蜀中。滋產詎堪伍。頌橘才未能。
傳。柑。興。有。取。願。餉。藐。姑。神。因。風。墮。仙。渚。

龍眼戲詠

魚目明珠任世疑。恠他金彈綴高枝。而今不用逢
青眼。蜜味中邊只自知。
洞庭山下水溶溶。橘柚秋苞總上供。庶事吳儂誇
得寶。領珠先已摘。驪龍

比荔應須號尹邢。海山仙露也曾經。黃裳况是占元吉。若個僧繇為點睛。

鬼眼么麼帀眼奇。

過大無味者為帀眼。小者為鬼眼。

乍來易受互

人欺。

舊荔支龍眼俱有互人評價。

先生自有屠龍術。不待金鏡

刮目時。

飛鸞渡航海被風飄至寧德

閩省抵福寧。千有二百里。谿梁雨頽珊。舍陸復從水。鳥道越飛鸞。挂帆於此始。榜人相叫譟。使車薦牲醴。陽侯恬不驚。鷁首去如駛。既出青山洋。巨浸

何渺瀰。人如天上望。四望無涯涘。所欣夕景佳。殘霞半空裡。須臾長風動。衝波奔水兕。蛟龍互吟號。巨浪連山圯。客子心震蕩。舵師潛料理。鴻濛一氣中。方向神針指。疾若鳥投林。標準蓮花榮。百里寧德縣。汜深舟可艤。行止且隨人。奚由辨天咫。

寧德縣望霍童山蓮花峯諸勝

長溪界閩浙。洞天推霍童。昔人於此授青精。白霞之丹藥。幽岩邃谷隱。去無行蹤。但聞風清。月白。夜空中。仙樂鳴笙鏞。我泛星槎忽來此。喜逢地主多

雍容。桃花洲邊乍登岸。白鶴嶺上開心胸。金盤滿
堆。鹿角菜。石首魚。鮮琥珀。濃斜陽。西下不歸去。愛
看萬朶青芙蓉。

福寧州使院

洪山俯視温台境。龍首峯高翠入雲。此地豈無靈
秀質。耕漁事業太紛紜。
屋後穉孺古樹巔。夜深靜聽轉淒然。燈花墮。燼茶
煙細。屈指流光又一年。

大姥山

昔閩王封為西岳
上有三十六峯

閩昔未生人。大武拓土居。爰以名其山。乃在漳江

隅。大武夫人
在漳浦壇記

茲山閩西嶽。六惟大姥呼。傳姥生

堯時。乘龍上天衢。斯言頗荒唐。大約出樵漁。更傳

山下溪。為姥浣衣裾。

山下有
藍溪

仲秋變深藍。居者多

染濡。竒蹟滋附會。祇供一胡盧。地介閩越間。實推
神仙都。安得移家住。濯魄臨冰壺。

新霽泛舟

遊情霽景兩相關。曉泛輕舟晚未還。雨足助人新
綠水。雲開還我舊青山。玲禽嘯樹欺歌舌。柔柳分

堤賽舞鬟吹出。百花紅似錦。春風日日不曾閒。

賦得百花過盡綠成陰

芳菲瞬息付東流。一片濃陰夏景稠。新竹放梢搖
檻碧。古槐舒葉蔭窓幽。閒庭草綠飛黃蝶。遠渚蘋
青點白鷗。更愛柳綿飄盡處。長條蘸水送行舟。

步月

涼月皎如許。林亭照水空。鳥飛驚宿影。蛩語訴愁
衷。冷澗將花露。時節瀉竹風。夜深清不寐。樹影入
簾櫳。

秋日登樓漫興

高樓縱目眺平蕪。誰染邛邛作畫圖。千疊暮雲垂
綺帳。一天涼露灑瓊珠。潮聲沸郭秋江轉。嵐氣吞
林晚野孤。無限憑欄今古事。不隨煙樹共模糊。

簡林一洙雲

昔別是何日。驚看萬木疎。暖風吹去鷁。秋水斷來
魚。紅稻知全稔。青氈只索居。酒濃蕪境愜。佳思定
何如。

初冬郊外訪林卜飛進士

三山散晴旭。一迳踏微霜。螺水塵緣少。鰲溪逸興長。遠颿依島嶼。曲岫遶林塘。為憶幽居士。行吟到草堂。

迳僻蒼苔合。庭深小鳥過。圃分巒石麗。籬帶野花多。留客開新釀。論交發浩歌。新詩成擊鉢。織月淡長河。

孔雀

都護矜殊采。炎方產偉禽。舞能知應節。栖必擇高林。脩尾屏張錦。峩冠首耀金。綵衣遙見啄。嗟爾妬

何深。

錦雞

名與司晨並。堪同雉作朋。鳳毛看耀采。鵠翼想飛騰。照鏡形偕舞。臨流影自矜。文章多被體。寧獨德無稱。

詩文之在天地猶大海也。古今文人矯首礪角者多矣。皆汨沒於波濤中。鮮能戛然特出者。復齋之詩。本人情。該物理。英華雅正。蔚為詞宗。至其入勝處。貫穿百家。牢籠萬象。雄奇異兀。直入

介石堂集詩十
杜韓之室令閱者窺深怖魄。瞰高驚魂。是謂大家之文。吾知其必傳於後而無疑也。天長陳以剛燭門跋

介石堂集

詩八

古閩 郭起元 復齋

古今體

呈周老師

聖世掄才亟。元公得士稠。四門多穆穆。萬彙盡油油。里選由來古。鄉評孰較優。窮需湛經術。達可獻家脩。朗月澄冰鑑。清風拂綵輈。菁莪皆樂育。凡卉亦薪樵。忝立程門雪。欣陪李相舟。操觚隨几杖。橐筆侍鳴騶。歲月閒中度。詩篇物外遊。寸衷堅似石。

生計拙如鳩。不謂洪鈞奏。仍將焦尾收。自愧慚國士。薦疏列起元名第一方秦愧清流。夙志忘溫飽。居貧走馬牛。見知雖特達。聞命轉殷憂。公謂吾儒事。當為寰宇籌。不煩愁撲遶。行且展謨猷。品藻恩無量。生成德莫酬。願言稽古業。黼座卜金甌。

留別諸弟

遙指白蘋洲。西風吹渡頭。夢隨鴻雁遠。情為鵲鴿留。殘月流霄漢。餘杯互勸酬。緣知孤館夜。布被兩含愁。

別友人并諸弟姪

嶺樹依依野袂分。鷓鴣啼切遠山聞。十千幾遍能酤我。三五初盈遽別君。匹馬去嘶燕地月。一枰閒對海門雲。須知努力人人事。莫使蹉跎日易曛。

乾隆四年秋七月初五日

圓明園引

見蒙

聖問臣起元有無條陳伏奏草莽小臣不敢妄有建白臣做秀才三十二年無日不念切蒼

生留心民瘼今日得覲
天顏願將未朽之年盡心竭力報効
朝廷當蒙 頒

旨發往江南以知縣試用恭紀二首

雲霞鷓鴣日曛曛。桂棟蘭橈霽景融。明目達聰招
俊乂。持盈保泰厯宸衷。颺言幸際都俞會。敷奏
難希弼亮功。縫掖重蒙清問。及愚忱。何以荅
皇穹。

民胞物與是儒生。求莫求寧軫。聖情寸草亦欣。

春浩蕩。微鈞思贊樂。和平。卿雲紉熲輝。龍袞湛露
霑。濡溢鳳城瞻望。天顏知有喜。羽毛今已籓雲
程。

蔡巨源世兄同予赴都引

見京邸相從繾綣有加賦贈一首

門第雄漳海。鴻儒突葉生。趨庭聞性道。

巨源為梁邨先生仲

子來。泮奏韶。弱冠超壇坫。清規佩莖蘅。鰲峰聯

世譜。螺水訂心盟。學藝欣齊軌。才名孰抗行。一朝

占利見。千里赴王程。買棹同朝汎。租車共夕征。暑

寒驚倏忽。鬚髮歎時更。召對延英殿。均霑初筮
榮。張弛期省括。燥濕在和聲。計齒逾強仕。逢時際
太平。龔黃吾敢跂。召杜汝先鳴。有守操能勵。無營
欲自清。馳驅身可致。匡濟道方亨。去去前途遠。勞
勞別緒縈。還期風雅治。奏最上蓬瀛。

長男隣九以拔貢入都病天津寺中

北風悽以冽。衰柳紛離披。寺堂最高敞。四望浮雲
馳。兒為觀國賓。被病困在茲。無醫戒勿藥。調攝艱
於資。我又捧檄行。不得顧其私。相對泣中夜。昏昏

一如癡。我僕暗銜悲。向空禱神祇。侵晨訪醫去。微
雨亂如絲。逢人但掩面。滿目非親知。忽見故鄉子。
跨鞍籠金羈。下馬相問訊。老淚如粳糜。

秋夜悼亡兒隣九

孤影對燈明。山堂幽且清。慈烏驚露重。翻樹送風
鳴。此夕西河淚。他年北隴營。幾時扶櫬到。悽愴不
勝情。

節制幕府紀事二首

澄江秋霽祭轅開。鼓角聲稀靜綠苔。羽騎橐弓歸

玉帳郎官橐筆侍金臺。屏藩有志須當學。鎖鑰無私莫浪猜。為語干。擷勤擊。析花陰。得句且徘徊。皇心甲夜軫民艱。元老謨猷起痼瘕。豈但鳩綏到。鴻雁要令扶植長。麻管匪躬不惜朝還暮。鞅掌何辭水與山。自是每懷思靡及。敢云天咫願躋攀。

金陵曉眺

四山嵐翠撲空來。曉色瞳矓萬象開。地轉東南懸日月。天橫江海淨風埃。三秋鼓角悲殘壘。六代人文黯古苔。曠望不勝綏戢意。澤中鴻雁實堪哀。

登雨花臺

浮圖茲臺址。玲瓏綴金碧。朝陽射飛甍。晃耀半空赤。洶洶名都會。車馬爭闐隘。紛吾探竒意。寄興在山澤。東南望吳會。重關千里隔。長江日夜流。孤帆逝安適。右攬牛首峯。摩空蕩精魄。雙門控江郢。恢廓開帝宅。六代夫何如。繁華變蕭槭。英雄化野土。悲風遶斷石。曠望多遠心。蒼茫日將夕。幽幽禪龕火。冷焰射林隙。勞生疲津途。膏明以自炙。願言學沉冥。幽棲憩禪席。

遊長干寺

秋原斜日澹。踈林動寒吹。廣渚揚清波。枯荷間菱芰。山花雜紅紫。巒光滴蒼翠。遙聞鈴鐸聲。仄迳入古寺。危牆薜荔穿。廢地荆榛萃。壞塔餘幾層。脩藤似懸縋。喬木鳩鷗巢。長鳴令人悸。殘僧三兩人。破衲露肘臂。香積厨無煙。見人驚欲避。斷碑不堪讀。上有勅建字。齋田畀飯僧。姓名列惠施。想當全盛時。金碧照初地。發興一彈指。石火竟何異。懷古心鬱陶。慨然發長喟。

鍾山明太祖陵下作

濠泗真人媿漢高。手持三尺靖鯨鰲。一時禮樂兼唐宋。五夜文章集俊髦。猶有漁樵談往蹟。空留猿鶴嘯神皋。聖朝祀典重脩飭。取次中官洒埽勞。

幕府山有感

典午南來此駐師。雲端星斗拂牙旗。江橫匹練開天塹。山作屏風拱帝畿。淮水莫延王氏澤。西州空說謝公思。六朝佳麗渾如夢。惟有巖前老樹知。

登燕子磯

杳。靄。山。光。拂。檻。楹。哈。呀。洞。穴。俯。澄。泓。丹。梯。紺。宇。層。
巒。見。玉。竈。銀。牀。上。界。明。帆。槩。鏡。中。開。霽。色。薰。葭。畫。
裏。作。秋。聲。吾。將。從。此。尋。仙。境。黃。鵠。天。風。萬。里。程。

遊秦淮

曲。曲。清。流。蕩。槩。斜。微。聞。銀。甲。奏。琵琶。雕。欄。十二。懸。
明月。粉。黛。三。千。媚。綺。霞。故。國。久。傳。桑。海。變。青。山。依。
舊。郭。門。遮。垂。楊。不。管。興。亡。事。帶。雨。和。煙。噪。晚。鴉。

樵子

薄。霧。輕。煙。靄。竹。扉。露。華。香。透。薜。蘿。衣。半。生。遜。世。歲。

坵。壑。一。曲。高。歌。出。翠。微。屐。齒。不。嫌。山。雨。滑。擔。頭。常。
帶。嶺。雲。歸。仙。翁。時。見。如。相。問。莫。道。人。間。是。與。非。

漁翁

華。髮。蕭。蕭。雪。滿。頭。平。生。長。計。祇。垂。釣。百。花。潭。上。三。
間。屋。萬。里。橋。西。一。葉。舟。輕。笠。短。蓑。煙。渚。曉。白。蘋。紅。
暮。海。天。秋。醉。來。懶。把。羊。裘。著。怕。有。君。王。物。色。求。

舟中觀矣

棹。入。三。千。浪。枰。開。百。二。洲。幾。行。盤。雁。字。一。戰。割。鴻。
溝。世。界。浮。家。濶。風。帆。坐。影。收。羸。輸。千。古。事。誰。與。問。

東流。

贈慎言上人

洗鉢雲深處。翛然出世心。自能依磬寐。長此入山深。應了真空諦。寧貪布地金。同舟常問偈。擬坐柳枝陰。

奉檄署舒城縣事

龍舒伊古庭。堅國淮右封。疆控上游。製錦自慙初。染采操刀。今已遇全牛。先勞有訓期。敦勉法度無。愆慎率由。一片臣心清似水。讀書原不為身謀。

勸農

三農生九穀。高下各有宜。必先相地利。後可乘天時。舒邑分五鄉。厥勢多參差。東偏形低窪。河水相渺瀰。堤防在堅固。頽魴庶無悲。西南帶山嶺。林木紛蔽虧。樵蘓雖云便。詎若勤畬蓄。其北頗平曠。坂田少流澌。黍禾與麻苽。酌量原隰施。中央名沙灣。浮土非饒肥。耕耘一失所。惟草易宅之。鼠牙與雀角。蚩蚩法網罹。田宅委蒿萊。悔悟已遲。願爾如良苗。稂莠慎弗為。父老聽予言。丁寧子弟知。古稱

大田詩。秉穗利孤嫠。奈何生太平。相尚競刀錐。孝弟兼力田。明廷不汝遺。髦士蒸田間。公卿出茅茨。惟當務勤儉。淳樸追黃羲。

制府郝公飭縣勸民植桑種樹紀事一首

先王制疆里。四野無曠土。平疇東作暇。本計惟種樹。墻陰有猗桑。鳴鳩拂其羽。三眠與八蠶。取飼用折斧。分繭效績成。元黃供繡黼。欲求自然利。要不出農圃。榆柳蔭街堤。槐椿拂庭戶。梨棗以秋實。桃李當春嫵。落實兼取材。可以佐二鬴。吾民安土業。

不嫺化居賈。憲令寂諄切。奈何力不努。游惰古有征。觸目多榛莽。人為造化生。匪同物。苦窳安得世阜豐。茅簷盡華廡。

舒邑復興水利

包家古堤堰。溉田二千頃。旱澇資蓄洩。如人喉在頸。歲久廢不治。填淤成灾肯。其上有三蕩。荒榛蔽斷埂。其下為蕩五。沮洳產蛙黽。靈潦上流溢。橫出滄田吟。偶燠下流涸。良疇嘆枯井。哀鴻澤畔吟。漂搖去他境。聿予捧檄來。披圖中夜省。相原周諮謀。

跡。蹊。覓。踪。影。更。新。惟。由。舊。所。懲。在。頑。梗。庶。民。欣。子
來。暮。鼓。誓。弗。警。溝。深。而。隄。堅。不。貽。後。日。哽。霍。然。去。
癥。結。快。若。凌。風。隼。杭。稔。幸。可。哉。衡。宇。更。須。整。民。曰
使。君。勞。予。嘉。農。夫。敏。起。視。淮。泗。間。艱。虞。殷。用。幹。勉。
爾。無。疆。圖。樂。利。期。有。永。

舒邑季試贈諸生

案牘紛如雨。縲囚面似黔。前車懲覆轍。前任李令名挂彈章

余為平反疑獄者數月循吏重儒林。學校興賢地。詞章為治

箴。瑤山開四照。珠樹拔千尋。地是文翁里。文翁名黨字仲

翁舒人西漢循吏聲惟公瑾音。周瑜舒人少精音律諮謀群彥竄。簡

擢主恩深。攝篆來江介。觀風採會吟。經綸推賈董。才藻麗溫任。剖璞方呈玉。淘沙始見金。風簷思滾滾。寸晷駮駮。駮駮雪。碗茶教瀹冰。壺酒待斟真。源期獨剖奧。義許相尋。乙夜研丹誦。終身作珮紉。還期禹門躍。雲路望為霖。

捐脩舒邑文廟

舒慕千年國。匡山萬代師。廟堂周禮樂。秩祀漢威儀。類水蕃芹藻。黌宮列鼎彝。方州同教澤。寰宇啟

宏規此地當衝要。前員困劇疲。居官如傳舍。視學
等壇壝。藻井當簷落。虹梁倚壁歌。飄風吹絳帳。林
雨濕緇帷。展謁趨堦圮。周環獨歎噫。俸錢期蚤出。
匠石囑頻施。日月懸堂序。雲霞絢棟榱。几筵升玉
瓚。屋壁奏金絲。時捐設祭器儼若龍光在。誰云鳳德衰。
翬飛臨古杏。苞茂蔭靈著。剛日脩燔燎。青衿集履
綦。高山期可仰。鼓篋復陳詩。

捐脩舒邑鼓樓

天不金斗獨開疆。祀衍皋陶已渺茫。北峽關連舒

子國。飛霞亭。啓李公鄉。升墟遠望。知民隱。解橐重
新為國忙。十丈黃樓如有賦。坡仙應許共徜徉。

留別舒邑士民

簡命方膺筮仕初。偶然承乏至龍舒。漢賢尚有遺
踪在。遙望清塵但式間。

江北淮西踞上游。却憐風氣似中州。萬家煙火圍
青嶂。月霽飛霞亭上頭。

訟庭不見吏人譁。隴麥青青望轉賒。着屐看山身
力健。葛洪應自得丹砂。

中丞入境色先怡。駭篠兒童各致辭。自是里人風俗厚。非關令長奏功奇。中丞陳公臨縣邑中數千人遮道保留余心實愧焉吏習民安若舊緣。蕭閒好似卧林泉。明朝又復揚鞭去。野水寒雲聽暮蟬。已笑微才膺壯邑。敢煩送騎導前旌。秋風拂面淮山下。桂樹連蜷無限情。

奉檄稽漕

庚午十月朔。奉使之四方。予心不自得。侍姬言慨慷。男兒會有役。賢勞職所當。懷安實敗名。勤慎無

時忘。聞之意抖擻。曳履出中堂。僮僕聞傳呼。奔走東西廊。各罄囊橐資。為主治行裝。縛跨携襪被。宛似賈販郎。買舟渡江去。雲雪正茫茫。

旅館見並蒂菊有感

江南菊花多。摧殘已少色。惟此不畏霜。澹靜如有德。其榮並蒂生。芳盟永不忒。悵予同心人。可念孤飛翼。

長至前一夜述懷

律琯葭灰飛。此夜憶鄉俗。秉燭照團圓。相看常不

足。自從行作吏。塵鞅遂拘束。去歲走邊陲。今年更
鹿鹿。山妻嘆鶴鳴。千里想心曲。寂寞泛孤舟。漫天
風雪逐。江氣逼人寒。嵐光落杯綠。莫言長別離。仍
用長線續。報寂應有期。行當脂車輻。

龍舒旅次與汪任東關諸子錄別

潘岳到河陽。人傳滿縣花。有枝皆著雨。無樹不生
芽。春芳復夏景。翠色映彤霞。自返金陵棹。蹉跎鬢
已華。今茲復行役。重見舊桑麻。父老聞我至。環向
馬頭遮。况逢諸故人。高談日影斜。那堪又分袂。秋

水長薰葭。

賦得霜葉紅於二月花

極目郊原秋欲殘。江楓霜染葉初丹。獨留晚節回
春色。誰道紅顏怯歲寒。斜日半山移樹杪。落霞萬
片掛林端。蒼松翠柏相遮映。有客停車作意看。

昔周盛時東風入律青雲干。呂和氣翔洽而雅
頌作焉。蓋天人感應之際。至不爽也。降自近代
宋歐陽子謂梅都官詩清麗閒遠。澄涵演迤。宜
列於清廟明堂。以歌咏國家之盛。而重惜其不

遇吾師力堂公。今之歐陽子也。視學閩中。時獨
標復齋第一。今觀復齋詩集。清而和麗。而有則
何其神似都官也。宜於吾師有歐陽之契焉。而
都官浮沉郎署。復齋六屈於州縣。方今聖明盛
世。邈周而遠軼於宋。余嘉復齋文之工。而知其
必有遇焉者矣。
安溪潘思光亞卿跋

介石堂集

詩九

古閩

郭起元

復齋

古今體

奉檄署桐城縣事

漢室朱仲卿。少時吏舒桐。庶平能愛人。累遷大司
農。天子下詔褒。進退惟公忠。泝人君子號。允推循
吏宗。尸祝祀桐鄉。百代藹仁風。我今乘傳往。鞅掌
竭愚衷。薄劣對昔賢。遡洄嘆無從。得篆非足喜。勞
心徒忡忡。

石城早發

幾回車騎走神州。今夕輕裝出石頭。十里風鳴兩岸荻。五更帆破一江秋。北山煙鎖周顒宅。西浦霞橫孫楚樓。見說六朝佳麗在。不堪臨別重含愁。

采石夜泊懷李太白

采石一片月。詩人萬古心。空江流不盡。孤嘯感何深。問酒尋邨店。携琴望石林。魚龍知我意。水底亦悲吟。

牛渚磯懷温太真

晉室皆牛渚。然犀恨不多。劇憐陶士行。討亂欲回戈。赤幘通幽夢。黃旗奏凱歌。太真真第一。杯酒酌山阿。

題昭明太子讀書樓

在池州府城北

帝子今何在。空樓尚彩雲。綺辭流少海。縹帙冷香芸。瞻拜神如在。登臨到夕曛。陳思天上遇。賡唱許同群。

天門山道院

懸崖絕磴數椽撐。着屐人從壁上行。洞鑿半天雲。

出入壑。臨無地。水。曾。裕。東西。峯。矗。雙。扉。陸。南北。江。
橫。一。帶。明。今。古。茫。茫。成。浩。劫。堪。憐。羽。客。學。長。生。

池陽望九華山

鼓。楫。沉。江。汜。逶。迤。長。山。繚。豁。達。始。池。陽。川。原。千。里。
邈。迢。迢。九。華。山。亭。亭。麗。雲。表。根。株。產。何。處。花。萼。向。
清。昊。崢。嶸。天。際。靜。皎。潔。秋。氣。杳。衆。芑。青。翠。舒。紛。媚。
蔚。藍。曉。晴。暉。助。璀。璨。陰。霞。觸。縹。緲。傳。聞。金。地。藏。袈。
裟。罩。林。杪。六。有。李。謫。仙。賞。愛。恣。幽。討。西。上。追。太。華。
東。下。擬。靈。島。嵐。光。撲。人。來。不。嫌。蓬。牕。小。會。將。無。垢。

身。香。界。凌。空。矯。

射蛟臺有感

漢。武。南。巡。望。祀。遙。龍。旂。曾。駐。此。山。榭。臨。同。羸。帝。東。
浮。海。氣。壓。錢。王。西。射。潮。菊。秀。蘭。芳。歡。豫。動。簫。鳴。鼓。
奏。感。飄。搖。佳。人。南。浦。思。何。極。羸。得。吾。儕。酒。滿。瓢。

上陳大中丞

衡。嶽。巍。巍。特。降。神。名。儒。應。運。作。名。臣。氣。吞。雲。夢。幾。
千。里。俊。顙。天。庭。第。一。人。烏。府。霜。飛。文。吏。肅。蛟。臺。月。
皎。武。夫。馴。猶。勤。夙。夜。如。姬。旦。懋。績。南。邦。異。等。倫。

方望溪先生留飲劉園

未經載酒訪楊雄。尺簡相邀別苑東。綠玉塵搖亭外竹。青藜杖倚閣前楓。啼鶯選勝偏留我。浮蟻飄香不負公。芍藥欄邊春興滿。愛看金帶間鞵紅。

送張晴嵐學士入都

霜隕萱花淚雨飛。增封顯秩報春暉。方離陟岵懷王事。更切趨庭盼帝畿。池上鳳毛欣振彩。班前鷺羽待揚輝。獨慚樗質輕承乏。遙叩和公問鉢衣。

酬方方齋見贈原韵四首

長風吹碧海。鰲背一帆來。但曳尋山屐。那堪作吏才。鳴琴春晝靜。拄笏曉樓開。勉爾鉛刀割。名賢分外推。

敢慕絃歌化。由來顛式廬。迳開煩薙草。山好羨懸車。歎逐庾塵騎。難繙鄴架書。郇公五雲贈。瓊玖佩衣裾。

暫別龍山勝。難尋國士雙。琴鳴容一月。水飲謝三江。雲樹時相憶。風流意久降。驪歌且停唱。清絕愛南牕。

霞端結心想。賢達寄高踪。宦海尊前涸。詩城天外逢。居遊群鹿豕。交契託雲龍。但恐蒲輪召。荷衣未許縫。

留別桐城紳士四首

學製能無愧。七襄千峯如繡簇。桐鄉自慙不及寒。慙女。刀尺頻教作嫁裳。

雙鳧漫道躡仙踪。欲上浮山隔幾重。行訪春原慙未遍。但聞父老說司農。

盡日垂簾草欲侵。民間吏靜似山林。放衙何事為

官况。索得遺編夜夜吟。

晴郊四望暢襟期。碧水青山高下陂。欲覓龍眠圖未得。歸裝自寫白描詩。

遊浮山

山長五里有三十六岩七十二峯。古人多題名石上。予任事日淺。即受代未及登眺。茲以公事過桐。得往觀焉。聊成四律。以酌夙志云爾。

華岩峯

一螺浮水上。翠色若為餐。引我探奇興。來尋大隱

邨。宋部使者張寺幽延好景。僧定欲忘言。為借支

公杖。窮探玉峽源。

金谷岩 岩上有塔
有禪院

混沌鑿一竅。誰於此布金。蓮花千柱塔。獅子九層岑。日錦輝朝磴。煙綃冒暮林。妙高峯在望。乘興欲登臨。

會勝岩

此處尤稱勝。千峯拱化城。靈竒原地造。刻畫本天成。雲氣玲瓏轉。嵐光紫翠橫。清詩吟上界。江海和濤聲。

張公岩

一井常甘冽。澄然洞壑間。昔賢於此憩。高躅孰能攀。地以人稱勝。仙真去不還。紅塵車騎客。感嘆鬢毛斑。

晚泊小酌

玩景登厓散步遲。舟人挈榼遠相隨。江亭月出杯方舉。沙岸鷗飛艇漸移。水氣微茫接霄漢。燈光歷亂近城池。興豪欲喚魚龍舞。試取囊中鐵笛吹。

宿魯雁門書館

綠樽香溢酒新筩。下榻無煩秉燭遊。竹屋夜涼知

雨過。芸牕風細見螢流。一瓢自擬輕千乘。三徑還堪抵十洲。爾我心期差可共。誰云戶外乏羊求。

春日久雨

兼旬風雨景淒淒。一望平林煙樹齊。筇杖幾時携柳陌。青鞋何處踏桃蹊。香銷粉斷滄波逝。蝶怨蜂愁碧草迷。落盡江南花萬樹。不教詞客浪留題。

幽寓

小墅東頭屋數椽。碧雲幽地隔塵寰。清陰遶榻牕間樹。翠靄當樓竹外山。春去鶯隨飛絮老。畫長人

伴落花間。拋殘萬事茅簷外。自整丹爐鍊九還。

賀王秀才移居

江郭新居繞數峯。鏡中泉石畫中松。小塘煙煖菱初種。芳樹鶯啼酒正濃。竹迳半刪通鶴步。花關不掩倩雲封。會當結侶尋摩詰。同上秋山第一重。

送金牧初之金陵應試

槐秋八月皖江道。送客登程發長嘯。此行早上治安書。人同賈誼稱年少。桃葉渡頭明月光。青溪幾曲木樨香。知君夜泛秦淮艇。應採紅蕖製錦裳。

鷄籠山夕照

回首鷄籠暮。靄深寒煙蔓。草六朝心。青山自在無
興。廢白日。往來成古今。歸隴牛羊催暮笛。搗衣庭
院動宵砧。消魂只在欄杆外。莫對斜陽更苦吟。

病吟

夜深偏易惹閒愁。遙望斜河淡欲流。蟋蟀聲中千
里月。梧桐影外一天秋。靜驚鳴柝過深巷。卧聽清
簫在隔樓。安得夷光隨范蠡。飄然去泛五湖舟。

黃雀

尚有銜環報。誰云小鳥微。空城初乳鷄。暮雨故低
飛。九彈原知畏。蘄蒿信所歸。江湖興不淺。化蛤且
忘機。

鴉

帶水孤邨迥。高林古樹幽。曉啼孤日起。暮宿彩霞
收。瞻止孰推愛。聞聲人共尤。莫徒遭彈射。緘默是
良謀。

狐

質豔惟狐媚。淫迷竟不醒。玄垓乘鬼乘。玉面假人

形尾火工為恠。河冰最善聽。帟隨曾不懼。更復假威靈。

秋牡丹

小草何繇擅大名。長心細辨可憐生。紫絲障設東籬下。一種嬌憨畫不成。

玉堦秋錦漸離披。買笑千金悵已遲。惟有故畦黃蛺蝶。尋芳猶覓向陽枝。

賦得世事靜觀知曲折

繁曠誰堪世務撻。致虛守寂慧從生。任他變幻窮

情態在我空。平有鑑衡。役志紛紜多闇昧。中懷澹定自靈明。莫教忙裏多成錯。要在先將物累清。

西夏四月奉授太湖縣事

馬牛碌碌不知年。又向鍾湖說息肩。冉冉江花宵已謝。芊芊隴麥曉尤鮮。群山紫翠迎郵騎。二水淪連引渡船。來往熙攘徵既庶。未知花署得鳴絃。

省農

食為八政本。俶載畝東南。百穀既播種。所望惟年豐。歲比一不登。室家嗟困窮。宸衷做無逸。耕藉

祀先農。三推大禮行。勞酒湛恩醲。今者已徂夏。歆
麥方蒙蒙。荼藜苟不薈。黍稷奚由豐。使君六田峻。
為爾頌如墉。千耦各盡觴。克敏慰予衷。

風俗

黃山谷宦湖邑有一錢氣
不直白挺加父兄之詩

嘗讀山谷詩。里中頗秦風。子壯即分出。箕帚詬誶
訶。不肯拔一毛。楊朱教是從。租庸既稽期。訟端亦
洶洶。未知古今人。習尚同不同。來此已兼旬。士類
多雍容。閭閻尚節嗇。宛似唐魏封。俗奢則示儉。未
用加磨礪。願言敦禮教。還古三代踪。

司空山八景

太白書堂

天寶間太白避地
於此結宇山上

謫仙來寄跡。遙矚九江春。丹鼎逃虛去。那侵下界
塵。

二祖禪刹

二祖慧可神光也
有傳衣石尚存

真空衍二枝。妙契無上乘。夜半傳衣時。頑石起相
證。

銀河夜月

山下群巒拱抱中有平沙清
瀨一灣對面望之宛如新月

峨嶠一鈞月。挂此遠林榭。似真還似幻。脉脉坐寒

宵。

赤壁丹砂

壁中開罅為丹房路絕梯緣人莫能至俗傳有龍取食之

芙蓉絢朱霞。過雨更鮮潤。葛洪去不來。人間盡朝

南崖瀑布

石圻開天門。湍奔飛雪練。幅巾彼何人。支筇久忘

北嶺松風

山頂偃蓋松。當風搖翠蓋。送徵上與調宮。笙簧奏

清籟。

烏牛古石

在赤壁下白香山題咏古蹟

烏犍赤壁旁。白老留咏叶。不同香象遊。好待青牛

入。

洗馬春池

宋張魏公建寨於此其地雖

張公規淮西。浴馬開煙霧。借問金明池。春風凡幾

佛圖山四景

仙成石塔

巨石層累聳起千丈上刻天柱峯三字

京都建寺塔。詆呵來群儒。如何深。山內天。六造浮屠。

天就山門

山深路透迤。歷磴升貝關。結夏坐蒲團。冰雪滿林樾。

雲間古洞

送。過嶺小石橋。哈呀開一洞。十丈間無人。風度猿聲

樹杪飛泉

唱。蒼藤古木巔。飛流忽數丈。試問巢居人。可解濯纓

邑治四景

法華方竹

世忌磔節。破觚以為圓。竹兄無恙否。零落問枯禪。

玄妙枯松

觀三國左慈建古松雖去月夜影猶參差池上

當年左元放。手植數髯翁。羊群人已杳。石上有清風。

龍山夜雨峭壁下有龍潭夜則波氣上騰與嵐氣融合飄作細雨
古潭深莫測。龍氣何蚺螺。夜夜絲雨飄。還起為霖否。

馬路西風邑東北皆山風起為山所蔽必折而西四時不絕
馬路在山郊。其地最平曠。西風庾公塵。曾不沾衣上。

登皖城大觀樓

群峯鵬翼水龍湫。城內無山更起樓。三楚風煙窓外合。九江雲物座中收。南臨丹竈神仙窟。梅子真隱此燒

丹北望書堂大隱流。願得絃歌徧花縣。奎垣紫氣麗牽牛。

唐宣宗避地四面山相傳有咏瀑布詩仰韵一首

潛龍遠引不言勞。業比周宣識更高。堪歎兩河收復後。却令李相涉波濤。宣宗貶李德裕為崖州司戶

題龍山希歐亭

我昔縱遊南譙山。廬陵遺蹟在其間。豐山特起瑯琊秀。二亭突兀臨清灣。此亭非為遊觀地。千載猶

將見公志。與民同樂。樂歲豐。冉冉精神。垂二記。我
今種花來此鄉。敢期花事如河陽。但願高飲醉煙
月。四郊寧謐。勤畊桑。龍山蜿蜒。熙湖鎮。峯巒翹起
氣清峻。下瞰龍湫。萬仞深。一夕陰雲播。靈潤斑。僊
取材構新宮。丹雘遙連海日紅。更營高地建亭子。
飛檐豁達來天風。翠色摩空四山霽。或如屏障。或
如髻。朝昏變換各異形。雲煙回互相虧蔽。周覽城
郭。心神怡。閭閻櫛比。恬且嬉。瞻榆望杏。度南陌。提
壺挈榼。餉東菑。詰旦熏風到天末。良苗廣野。函斯

活。盡入高明駭。矚中青山盪我胸。期豁退食携琴
上翠微。斜陽西下欲忘歸。空閒靜聽松子落。雲際
閒看山鳥飛。羨茲名勝冠城邑。萬象奔會供噓吸。
夜月還將賓侶隨。秋風亂引漁樵入。紛紛儔類各
有情。煙霞豈僅慰平生。六一高踪未可續。肯令滁
嶺獨崢嶸。

開設經學示諸生

聖朝敷文德。庠序明人倫。更設書院長。經史紛具
陳。余承乏是邦。講席必躬親。洙泗初不遠。舟梁導

通津心得成文章。謨猷濟斯民。勿為事標榜。驚華
漓其淳。諸生各黽勉。進業毋逡巡。窮養而達施。此
言當書紳。

憂旱

入夏久不雨。蘊隆嗟蟲蟲。良苗燠欲摧。車庠勞三
農。禱祀徒紛若。潛虬聽不聰。余忝民社司。蒿目憫
人窮。天德在長養。奚忍民瘼痾。翹首望有滄。旦夕
蘓疲瘵。

喜孝廉潘亞卿至署

把袂春風湖上天。開顏一笑思飄然。風聲斷續和
琴瑟。鳥語高低奏管絃。幽緒如絲憑柳繫。奇情欲
邁共崖懸。何當就我閒齋宿。黃卷依然在目前。

傷逝

吾年經五十。天命敢云知。秋風一夜起。曩事無不
思。妻兒竟云沒。心懷非昔時。索夢終未通。反寤恨
莫追。人生苦情累。安得木石為。賴多遶膝孫。相對
強開頤。

悼亡兒隣九

介石堂集詩九
吾兒聰敏偏亡早。剩我衰殘作宦難。三載九泉無
一字。竟知人與鬼誰安。

有懷

身。外。關。何。事。胸。中。自。不。平。竟。無。千。日。酒。澆。我。百。年。
情。天。地。俄。今。古。妻。兒。隔。死。生。蕭。蕭。萬。里。道。風。雨。近。
清。明。

留別太湖士民

自。今。躬。耕。閩。海。潯。際。時。湖。上。學。鳴。琴。閭。閻。豈。必。盈。
寧。遍。衾。影。空。慚。撫。字。心。

四野桑麻兩歲榮。天功敢冒作虛名。西風又向淮
孺路。鴻雁嗷嗷澤畔迎。

投火飛蛾亦可哀。桁楊欲試且徘徊。自憐難望于
公治。敢慕張湯折獄才。

龍宮巖嶂冠峯頭。零祀原為萬室謀。人到遊山還
說謝。我因喜雨憶希歐。

九畹湘蘭質自芳。忍儕蕭艾任凋傷。移來藝苑光
風拂。好為他年進國香。

烹魚醜酒競留歡。江表原從友道看。匣有琴書囊

有劍。群賢莫笑使君寒。

何事皤皤盡杖藜。焚香垂淚益淒其。屏除邪侈敦勤儉。風俗猶煩父老持。

幾曾輟鮒轉清波。煦沫相憐意較多。子弟田疇猶待理。莫將誰嗣更高歌。

絃歌且莫傍離筵。把酒論文日影偏。溪水粼粼都送客。一帆書畫米家船。

驪歌唱罷勢匆匆。愁遣雙鳧向北風。分袂幾時魂夢穩。峯青天外望司空。

宦次懷歸

一日為官百物侵。長羈江北憶山林。五湖夜月還家夢。萬里春風對酒心。白髮屢驚花片落。青山幾見夕陽沉。故園松菊應無恙。三迳雖荒尚可尋。

贈冰淋上人

十年幽夢遶松關。心境煙霞自往還。御苑洞中開日月。海濤亭外列溪山。飛泉得性終歸壑。猛虎聞經六化。頑。謾說群公爭入社。同鄉依錫駐塵顏。

客中秋思

銷魂何處盼仙槎。客鬢逢秋短髮加。江上西風京
口樹。夢中明月廣陵花。帆開古渡乘飛浪。馬候官
亭立軟沙。遙指斷橋垂柳岸。前年曾宿那人家。

京江旅次

旅館蕭條慘客情。不禁心事更縱橫。津頭晚樹孤
雲卷。雨後春風百草生。帶月帆開揚子渡。隔林山
出潤州城。波濤兩岸驚孤夢。又雜江邊擊柝聲。

詩者本於性情。由於學問。文人之詩。乃經史載
籍之精華融結而成。非出於矯飾也。彼末學謏

聞之士。掇拾前人唾餘。言派言格。畫地成牢。不
免烏空鼠啣。無他。由其不學而心無所得也。復
齋之詩。直舉胸情。百家衆流。自然奔轅腕下。振
筆以書。則諧聲會意。官止神行。迨其篇終。讀之
法音雅奏。水流山峙。質之世人。無不以為佳。蓋
得乎古今人心之所同然矣。余欲為世之學詩
者告曰。在多讀書而已矣。
天台侯嘉縉夸門跋

介石堂集

詩十

古閩

郭起元

復齋

古今體

上元日、魏大方伯、招陪蘓常廬鳳四郡伯、
 讌集後苑、苑為明中山王廢園、有亭榭奇、
 石、公葺新之、是夕巖壑間、燈光映射、與星、
 月交輝、實勝景云、

中山事業在冊府、睽朝陵闕今榛莽、不見攀龍附、
 鳳人、但見園池若山、鷗滄桑已變崖谷存、危亭圯

介石堂集詩一
榭交撐拄。我公保釐旬。宣暇整頓山林。復竒古。新年報最五馬來。既省厥成。還煦拊。良辰許共東山遊。茗碗茶鐺快揮塵。天空無雲玉宇淨。月姊星娥降三五。蘭膏火樹射瓊樓。陸海馮夸來擊鼓。熊幡魚珮紛前席。北斗斟漿濡萬戶。熙熙同樂登春臺。厭厭夜飲停衙鼓。維屏維翰錫龍光。股肱心膂皆忭舞。鰕生亦與賓從末。自愧鸞林振羽毛。岩前燈月相輝煌。厯厯白榆差可數。清歌妙舞幾曲終。飽德醉心頌景祐。但願十風五雨玉燭調。天子萬

年常賜醑。

寄王漢階太史

直從帖括契心源。曩哲風規細討論。海內名流仰宗匠。名山大業在微言。已看談藝多群從。去聲又見傳經與後昆。自笑簿書叢裡客。猶搯布鼓過雷門。

寄蔡芳三

相逢疑是永和年。雲散風流重黯然。入世入嗔多白眼。論文君欲問青天。秋風釣艇思張翰。春草池塘憶惠連。最是音書遠絕處。挑燈還讀舊來篇。

寄周白民

震川雖邈有遺音。渾灑篇章物外吟。淮楚雄風君樹幟。建陽絕學我同心。一官羈絆難携手。尺素殷勤當盍簪。安得春江花月夜。論文釀酒共開襟。

寄陳一山

蘿薜垂垂晝掩門。偶携春屐破苔痕。千花點石紅成谷。一水平疇綠抱邨。魚鴈不踈知已在。江湖無恙布衣尊。何時訪我東籬下。細雨新詩對榻論。

寄程尊江

程子文章伯。鈞深思不群。汰膚凡幾倍。入木更三分。好尚兼莊列。淹通貫典墳。淮江芳訊至。合取妙香焚。

牘冗滋余瘁。情深奈爾何。醇醪帆送遠。尺素雁飛過。明月一天共。離愁此地多。幾時重把袂。快飲發狂歌。

寄程東起

幾年睽隔嘆離居。鴈羽傳來尺素遲。蕭署霜寒添別恨。梅花月冷寄相思。我勞案牘心常瘁。君對煙

霞性自怡。恰喜維揚移棹便。平山堂外再題詩。

夜飲魯雁門山齋

奔走紅塵裡。剛逢此夜談。歌為知己放。句恰古人
耽。看月休辭五。傷春已到三。偷閒多感慨。吏事獨
予慙。

未得別金牧初秋夜遙懷

欲別人未見。不得停驂駢。皖江日夜流。龍山空崔
巍。閒從城闕望。茫茫草露晞。孤鴻向西翔。音問傷
久違。徘徊仍獨歸。寂寞掩雙扉。思君曷有極。梁月

照容輝。

第一山亭落成開設書院

造物有遺憾。嗟惟淮泗濱。頻年遇旱澇。遠近常苦
辛。盱邑灾更劇。比戶多吟呻。余忝吏茲土。痼瘵在
一身。鞅掌歷歲時。飢溺始克振。壯哉第一山。南宮
題炳麟。淮流左右繞。泗澤何齋齋。風雨山楹摧。玻
璃泉就湮。過客來登眺。感嘆蹟已陳。予敢尸此役。
萬衆期更新。工料無從賦。分俸不言貧。瓦礫去累
累。材木聚頻頻。繚垣周遭築。闌檻曲迳遵。磻甃勤

琢磨丹蘄煥重閭。虛堂接崖壁。屏障高嶙峋。古刻
蝕苔蘚。洗剔留其真。老樹參天長。旁植松與筠。列
石紛詭狀。如獅席豹蹲。山巔冠亭子。遠眺淮河津。
長風扇洪濤。千里蕩無垠。碧城十二樓。縹緲現紅
塵。選勝啓書齋。冰雪瑩心神。於茲聚群彥。累釋心
六純。雲霞生几席。花柳麗陽春。詩書并翰墨。翫味
日相親。中和樂職頌。賡唱及良辰。況今支祁戢。河
伯勢六馴。願言躋峯頂。竚待占鼇人。

都梁十景步米南宮韵

第一山懷古

江北江南數往還。古今人老道途間。劇憐拜石襄
陽叟。又到淮西喜見山。

八仙臺招隱

八公遺跡已荒苔。此地仙碁石上開。臺有石碁
枰古迹莫
向雲中戀雞犬。好憑桂樹賦歸來。

清風山聞笛

柯亭爨竹實堪哀。截管橫吹上古臺。一曲嗚嗚情
未已。天風過處鶴飛來。

龜山寺晚鐘

天。空。玉。宇。湛。瓊。樓。上。界。鐘。聲。徹。斗。牛。咫。尺。銀。河。向。
東。瀉。滔。滔。入。海。幾。時。休。

瑞岩觀清曉

丹。鑪。火。燼。玉。繩。低。湖。水。蒼。茫。月。影。微。何。處。天。雞。鳴。
碧。樹。朝。霞。又。絢。羽。人。衣。

杏花園春晝

晴。光。散。作。四。郊。春。山。谷。繁。英。照。酒。樽。最。喜。紅。襟。雙。
燕。子。銜。泥。掠。過。水。邊。邨。

五塔寺歸雲

五。塔。基。荒。雲。影。低。那。堪。多。化。綵。虹。飛。如。今。歲。旱。需。
君。甚。不。作。甘。霖。莫。浪。歸。

玻璃泉浸月

山。城。處。處。落。榆。錢。風。浴。人。來。訪。石。泉。一。片。空。明。心。
可。印。鳶。魚。自。在。鏡。中。天。

寶積山落照

巖。下。爛。斑。錦。石。堆。夕。春。欲。下。且。裴。裊。煙。雲。好。處。皆。
詩。料。收。拾。奚。囊。帶。月。回。

會景亭陳蹟

露。白。葭。蒼。無。限。秋。懷。人。詩。句。詠。湯。休。西。風。空。向。淮。
壩。起。只。埽。浮。雲。不。埽。愁。

紀旱行

乾隆八年夏六月蒞盱無雨齋宿虔禱士
民從者千餘人既而微雨降是秋淮甸皆
有旱災因徃歲濫賑奉文嚴切州縣懼不
敢報余為民請命詳報十有八鎮費二千
餘金民無嗷飢失所上憲鑒而嘉與焉噫

是在為政者自盡其心而已詩以記之

捧。檄。吳。楚。郊。戴。星。席。不。煖。竭。來。淮。南。郡。汲。深。慙。綆。
短。頻。年。天。行。沘。茲。夏。仍。多。旱。盥。袂。向。齋。宮。旦。夕。憂。
心。瘡。龍。女。牧。未。歸。重。陰。結。還。散。稍。霑。陌。上。塵。尚。爨。
坵。中。秆。客。秋。賑。賚。行。冒。濫。額。有。醜。長。吏。憚。鈎。稽。括。
囊。計。誠。善。無。術。起。瘡。痍。刻。期。徵。絲。繭。三。復。春。陵。行。
魯。山。人。已。罕。聿。予。志。當。官。痾。瘵。一。身。衍。民。飢。即。已。
飢。監。門。圖。敢。緩。西。江。流。可。注。涸。轍。鮒。斯。轉。岳。牧。鑒。
微。誠。巽。風。回。絕。巘。何。事。屯。其。膏。秦。越。視。卒。瘡。長。謠。

寄此情。歲華空。偃蹇。

紀蝗行

乾隆九年夏六月。有蝗自昭陽湖。經山陽而來。遮蔽天日。適 訥公同督河二憲。入境目擊。諭以撲捕為急。余躬率隸氓。遍歷四鄉。五鼓乘露。翅未起。撲捉計升給錢。匝月而蝗報淨。未幾蝻子旋生。復周流無間。撲滅如法。來安高令。妄報蝗生。盱野。羽檄頻下。余幾被彈章。幸士民感泣。同心協捕。

並未傷禾。自數年來。茲歲始稱大有焉。

水族散魚子。孽化為羽蟲。產自昭陽湖。群蜚刺高空。塵合淮楚鄉。颺轉鍾離封。使星乘傳來。諭令扼其鋒。叫呼千夫力。竭蹶百里蹤。日入不遑息。晨光氣冥濛。及此翅尚濡。剪撲露草叢。升斗積坵山。秉畀炎火功。作勞予所諳。奚分吏與農。如何蝻子生。蠕動畝南東。去惡務淨盡。捐糜復相從。箕翕彼何人。貝錦萋以蒙。妄稱蝻生處。乃在盱野中。根株見本來。讒口徒相誣。江湖雖萬里。天聽達四聰。剥復

轉瞬間。黍苗六芄芄。野有露廩白。甑炊穠。絳紅報
賽。捺豚蹄。蜡臘慶年豐。躋堂一樽酒。快澆壘塊胸。
故山渺雲外。夢逐南飛鴻。

奉檄署泗州事勸農講約遍歷遠鄉有感
而作

泗疆宋代已流宗。明世淮河更激衝。聖主殷憂
思莫定。小臣竭力祗彌縫。魚龍去後勤犁耜。鴻鴈
棲時投鼓鐘。父老前來多喜色。春生黍谷湛恩濃。

和常徵君晚泊盱眙

淮流多穢舫。官舍最清幽。俯下河為界。憑高石作
城。浪翻蛟躍舞。霜警鶴飛鳴。遙想詩人意。懷鄉無
限情。

和歐陽文忠公登瑞岩用米南宮韻

何處峻嶒天外巖。片帆終日水雲間。奔淮溢泗疑
無地。出汴浮河忽見山。文似歐陽身更瘁。癩如米
老涕猶潛。丹臺碧觀空璀璨。不得携琴自往還。

和蘇東坡過淮韻

篋舫浮淮過湖雲。望渺然向城先見塔。入院喜聞

泉吏習民風。樸心惟詩酒。偏醉吟坡老。句真意到。今傳。

和梅聖俞初見淮山韻

宋室昇平日。都官時往還。船頭徐出汴。開口忽逢山。鷗鳥忘機久。雲泉任意閒。那堪南渡後。劍戟守林間。

制府尹公巡行泗盱周諮民瘼賑貸兼行

感賦一首

河水從高下。縱橫瀉不窮。吞淮兼接汴。溢泗復連

豐蕩析黎民。患殷憂。聖主哀經營。勞副相。康濟賴元公。冰雪除供帳。波濤掛筍蓬。周諮鳩鴈戶。爰度奠鮫宮。土銼煙光起。菑田膏澤融。賑行還惻惻。種播已芄芄。勉爾期寧止。欽哉在亮工。明良徵一德。懋績勒華嵩。

簡姚道充太守

清華門第擅江東。才藻翩翩望更崇。雅佩正宜金絡索。清音好聽玉玲瓏。南來白苧新篇艷。西上蒼梧古調工。為問龍眠老居士。何時畫裏一樽同。

簡方方齋觀察

清門世德羨無瑕。視草還分上苑花。水部吟詩高
鄆杜。烏臺建節靖商華。辭榮不羨勳名赫。初服仍
看嘯詠嘉。視我一官塵鞅絆。相思何處託薰葭。

簡方南堂隱君

公餘官舍冷逾冰。三復君詩輒未能。真意自同袁
海叟。古懷如對杜茶陵。百年閱歷浮雲幻。此日空
明萬象澄。南極少微星正麗。寄言願養與時增。

簡洪太史

幾年鄉曲共題襟。今日飛鳴集上林。綵筆已看齊
琬琰。絳帷又欲振球琳。如君應授和公鉞。顧我深
慙宓子琴。翹首雲山邈千里。何時鉛槧許相尋。

簡張希周太史

龍劍光芒射斗樞。一朝騰躍上天衢。緣知卓識歸
宗匠。太史為力始。信鴻才異小。儒養望更期成
碩德。致身還自展。訂謨相思愧乏瑤華贈。惟有冰
心對玉壺。

簡程南耕

新安家世秣陵居。門外時停長者輿。策為蒼生同
賈誼。賦干明主似相如。紅蓮幕下容清嘯。黃石山
邊好著書。為憶別來眠食健。頻將錦字寄江魚。

簡侯夸門

天台仙客下塵寰。嘯竹哦松盡日間。結契劇憐無
縞帶。盟心相證有青山。宦途似我應呵拙。詩卷煩
君為砭頑。莫道江淮風土隔。清宵常得夢魂還。

簡吳劍虹侍御

看君丰骨本珊珊。幾載飛騰侍從班。烏府風清飄

豸繡。竹林興劇掩花關。劉伶頌酒非耽醉。山簡論
才好是閒。為問延陵腰下劍。龍光應徹斗牛間。

簡吳茹原學士

石渠聲望羨無倫。誼忝葭莩仰後塵。豈但文詞資
鼓吹。要令元化轉陶甄。幾年讀禮依林阜。此日談
經贊黼宸。冰雪漸消春信到。梅花好寄一枝新。

寄懷賀嶽木進士

研丹削素見交情。冰雪前途憶去旌。明月又臨淮
水滿。落花空與石牀平。濟時經術君方展。拙宦崎

嶮我獨行五十年華霜髮在相期斗酒共聽鶯

上河院顧公

日麗扶桑谷霞明析木津混同名江涵秀氣長白挺

精神名世生周孔元臣誕甫申微言聞至道雅望

表群倫朶殿朝參蚤期門眷顧親龍文輝黼繡

鳳采揆絲綸裕國倉儲急持籌輸挽頻公前任總漕獬

冠殿簡在旌節正時巡珠粒干航轉冰心一片貞

淮南集噉鴈江介潤頰鱗河水從天下隄防自古

陳安瀾欣有慶善後可無人巽命重敷澤坤輿載

沛仁玉笥書更啓金篋簡常新庠定鼉鼉窟綉縷

風雨晨節宣調六氣疏築鞏干屯宅隩應歌禹芘

苗合頌郇鯤庭開壽域鼇極轉洪鈞末吏盱山下

丸封泗水濱儒衣慚樸遯民室歎沉淪拯溺侵星

出驅蝗微迳遵三年甘竭蹶七尺飽艱辛仰企層

霄迴何由倦羽振衆材歸匠石庶彙藉陶甄併覆

息難量生成澤更勻柯亭憐爨竹車軸憫勞薪遇

主時將晚懷賢意未伸願言敷雨露小草被陽春

輓大宗伯張清恪公

余少為諸生，受知撫軍儀封公，招入鰲峯書院，脩輯性理諸書，函承指誨，開示蘊奧，及公調任江蘇，手札下頒，慰勉諄切，時蒙逢人說項，吹噓獎借，愧荷交并，忽聞仙逝，失所依歸，不勝典型徂謝之歎，自慚不文，不足闡揚盛德，詩以誌哀云爾。

宇宙有正氣，浩然塞寥廓。在天為星辰，在地為河嶽。偉矣儀封公，稜稜森噴薄。清忠本性生，剛介嫉邪惡。批鱗遇雷霆，履尾遭搏攫。出險賴聖明，黑

白終昭灼。憶當撫閩時，繡斧靖鯨鰐。養民兼育才，鰲峯闡正學。搜羅到下士，微言啓扁鑰。薪傳幸不墜，宗仰欣有托。及移吳中節，謨猷益恢擴。丹心照殿陛，巽風被岩壑。瑤翰雲際頒，誨言勉追琢。寒畯被寵光，感激思踴躍。九重眷顧殷，京庾籌獨渥。春卿秩載崇，百僚師矩矱。哲人黃髮期，云胡忽隕籜。泰山梁木悲，朝右氣蕭索。盡傷遍海內，士類淚盈握。緬昔侍絳帷，音容宛如昨。師資以事君，報稱尤慙怍。欲賦七哀詩，清風滿齋閣。

輓大中丞陳清端公

清恪公調江蘓。清端公撫閩中。延梁邨蔡公掌鰲峯書院教事。檄各屬遴選文行兼優者肄業。余在院荷清端公國士之目。公以勤勞卒於官。感知慕德。泫然而著於篇。不計其詞之工拙也。

張陳兩鉅公。貞介無比倫。霜臺煦冬日。先後惠南閩。是時西山裔。理學振海濱。雲龍倏然合。鰲峰教命申。予祖漢有道。領袖名流人。顧惟下里姿。獲與

大賢親。心期矢金石。賡唱鳴韶鈞。處囊錐脫穎。在櫪驥超群。燈火用三冬。琴書樂好春。斷齏畫粥供。齋館共清貧。冰操達九重。綸章寵錫頻。稜稜岱嶽峻。郁郁樹蘭芬。誨言黜浮華。敦勉學行淳。珪璋自特達。要歸不緇磷。云胡北風涼。魚龍嘯通津。驚心天柱折。雨泣遍島民。天下第一清。瞽宗蘋藻陳。生卒知己感。酬酒重酸辛。

輓梁邨蔡夫子

梁邨太翁任羅源學博。大中丞清恪公延

為鰲峯山長。余受業其門。逮太翁歿後。清
端公撫閩。梁邨掌鰲峯教事。余又受業焉。
雍正十年。梁邨仕京邸。家屬在閩。為讒人
誣搆。遭繫。余左右周旋。并被羅織。相國高
安公。宗伯望溪公。以予不負師門。咸嘉歎
焉。事白。予入都。而梁邨已棄世五日。誌哀
一首。

惟民生於三。事之則如一。輓近風俗頹。師弟倫先
失。漳濱有耆儒。伏勝田何匹。道契儀封公。允推多

士式。鰲峯懸絳帳。子衿森環立。余方羈貫年。惠風
欣披拂。典型傷徂謝。象賢更傑出。瀛洛關閩間。研
精臻閩闕。顧余衣鉢傳。再世情逾密。文行相砥磨。
數學期不忒。公升青雲路。遂簪鸞臺筆。聖人端
本時。經筵資講習。小心溫室樹。恪謹南宮值。三命
滋循牆。萬石家風飭。世途多險巇。邪正原相嫉。舛
孫臧倉輩。讒言真罔極。霾霧塞太空。含沙恣水蜮。
羅鉗吉網中。親故咸走匿。余惟古名義。是非需一
直。舉幡訟司隸。腰鑰就請室。終焉覲聿消。皎日無

虧蝕。當代兩鉅公。感激三歎息。發憤非為名。忠耿
率胸臆。擔簦向燕臺。函丈展芸帙。山頽梁木傾。昊
天胡不恤。慟哭旅殯前。戒途紼誰執。千年鶴歸來。
蒼茫數郵駟。侯芭負土心。敢為師門洗。所幸貽謀
長。鳳毛光綸紱。作傳擬河汾。易名還表德。

輓張葑園少宗伯

九年教澤洽江東。名德如公孰與同。孔思周情綿
絕學。皋賡益贊暢仁風。日星並麗經綸業。淵谷如
臨夙夜衷。遠道驚傳山木嘆。淚隨江水去無窮。

輓余古田祭酒

閩中台輔鬱相望。俎豆如公信克當。學本躬行先
孝悌。教從心得啓文章。南邦多士欣瞻嶽。太學諸
生歎望洋。欲採藻蘋何處薦。空山松柏下寒霜。

憶先府君

先子拙溪公。潛心舉業。兼明法律。嘗應聘
臬幕。見善勇為。未幾辭去。家居課起元以
砥行立名。卒年七十有二。里人稱善士云。
先子少也孤。老成是則倣。中年淹經史。英氣蜚學

校。餘閒集律令。陳臬非所好。使者幣聘來。入幕但
清嘯。時時聞祝網。生意回大造。引身歸田廬。丁寧
式穀教。家脩而廷獻。言行惟慥慥。行年逾杖鄉。徂
逝光弗耀。嗟余作吏來。坵壠罷親埽。明發懷故山。
浮雲黯林嶠。

憶先母

先母陳太君。資性聰敏。女紅之外。嫻習書
史。家貧紡績延師。教起元讀書者三十年。
壽七十卒。著有蘭居詩草。

先母大家範。習禮明風詩。珩璜播徽音。蘋藻無不

宜。誕子徵吉夢。元首繪門楣。

先母誕子時夢室中
扁上畫一人首故錫

予名曰
起元

相望掇巍科。拮据延名師。紡車三十載。脩

脯勉支持。誰知困場屋。遇合慳數奇。仁慈天海涵。
鞠育到孫兒。寸草榮春暉。荏苒不自知。幸屆古稀
年。忽遭風木悲。光陰去如駛。往悔安可追。今有考
赫。羹傷無母氏。遺三復。陟岵。篇沒齒。以為期。

憶兄約園

約園登癸巳賢書。余少時嘗就請業。癸卯

春卒於蘇郡客邸。繼子志亡。孀嫂無依。余分俸以資其生云。

物生初必蒙。啓迪端賴師。其事並君親。世人多垂離。約園吾故兄。受業羈貫時。往來三十年。相從無盛衰。云胡公車上。蘇郡轉靈輻。蕭蕭素旌搖。淅淅寒潮遲。厥嗣仍天歿。熒熒泣孤嫠。余時為諸生。叩橐相贈遺。今有俸可分。瞻給固其宜。士各敦古處。風俗庶少裨。

憶先姊

姊諱元美。年十九。適林氏。經歲夫亡。欲以身殉。目誕姪。未敢及生女。週月。屬於姑。遂沐浴閉戶。題詩於壁。自縊。紳士僉呈請。

旌格於成例。隨荷憲恩。建節孝祠。給匾。以時祭祀。二姚昔慕舜。遠死南湘濱。至今黃陵廟。淚竹五猶新。吾姊好讀書。事必師古人。十九適林門。所天忽就淪。伯道竟無兒。自傷生不辰。感念同衾義。畢命朱絲緡。絕筆題粉垣。銀鈎多炳麟。身化望夫石。心同精衛塵。直道民心在。祠宇照千春。迢迢關山遠。

何時脩藻蘋。

哭二弟五弟

二弟字升侯，五弟名鍾元，事實詳詩內。

二弟諳經史，屢困舉子場。舍之就韜幹，厥嗣亦奮

揚。謀生萬里道，鯨波快回航。弟曾遠中山國喜有六男兒

嶄然頭角張。行年當半百，告歸介壽觴。誰知竟殞

逝，惻愴摧衷腸。五弟雖庶出，十齡頗調良。事嫂猶

如母，携來西江舫。隨嫂亦俱逝，天折真可傷。焚然

剩一老，形影獨徬徨。

悼元配黃孺人

孺人性純孝，端肅歸余門。事舅姑極盡孝

敬，和於妯娌待妾媵。以慈余宦南省，孺人

悼遠跡家居。及任太湖，始迎以來，竟歿於

西江舟中，扶柩歸，尚未葬焉。

德曜矢齊眉，少君誓偕老。嗟余牽塵鞅，累子困綦

縞。憶自于歸時，雞鳴歌起蚤。高堂潔滌滌，記事供

蘋藻。妯娌多雍和，鴿原藉坵嫂。慈祥能逮下，小星

衾常抱。我壯思致身，子猶戀砧藁。既栽河陽花，爰

上西江道德音期來括。玉女峯先倒窳。窳待何年同穴期相保。

悼側室林氏

林氏良家女。年二十。歸余。襄理家務。侍先太君湯藥。惟謹。余宦遊。氏侍黃孺人。在家及任太湖。迎黃孺人暨氏偕來。孺人病舟中。氏籲天願以身代。及卒。而氏以追念黃孺人。故成疾。未半載而卒。人咸稱其淋行云。

從來妾媵輩。爭妍而取憐。春秋戒奪嫡。防閑自古傳。人性固不齊。氏也稱獨賢。入門理家務。井臼操持便。先慈迫桑榆。湯藥侍幃前。自甘綠衣分。贊調琴瑟絃。嫡庶共室居。始終無間然。嫡危籲身代。未久殉黃泉。縷裙已布施。少君術。虛懸空。留錦瑟。意促。柱。思。華。年。

秋夕介石堂小飲

夕陽高閣影沉沉。簷鐵吟風應遠砧。雨霽客尋彭澤菊。月明人弄步兵琴。荒城宿雁斜投浦。靜夜驚

鳥只遶林。無限秋懷一樽酒。醉中還動十年心。

寄蔡譽緝

南塘春漲一篙輕。匣劍囊琴趁曉行。嘉遯豈同秦
二士。授經還似漢諸生。青山對酒梅花發。絳帳談
文。夜月清。期爾尚逢裙屐到。林間幾度聽啼鶯。

黃在乾進士見過盱署

我在江之北。君從何處來。談深容慷慨。署冷任徘徊。
碧月一天淨。孤雲數鴈迴。漫驚梧葉落。秋色上庭槐。

贈別秦笏齋孝廉

蘭陵風雅夙知名。攬勝遙為泗上行。第一山頭泉
石古。前三月裏客衣輕。詩篇重繼襄陽興。投贈難
忘淮海情。歸路桃花明月麗。竹西歌吹和新聲。

贈別韓伯慧

湖水沿堤漲。山區好客來。囊携冰雪句。胸有治安
才。吏部家聲古。冬郎雅詠催。慚余枯朽質。何以報
瓊瑰。

學舍先生賃。寧親愛日恬。青苔吟謝眺。明錦夢江

介石堂集詩十
三
淹。傾蓋情何極。臨岐韻更拈。幾時共尊酒。風月漾
踈簾。

同徐星友遊第一山玻璃泉亭

遵渚澹容與。及郊曠清目。迴飈轉石林。碧雲蕩幽
谷。窈然清虛境。漱流頽霑沐。風浴詠歸人。黃農意
自足。是時澄湖靜。薄霞復歛穀。翠羽掠明鏡。寒梅
吐香玉。願携蘭皋佩。來就滄浪宿。白駒志懷賢。緇
衣念肯綮。千載山阿中。遥遥俟嘉告。入聲

復齋與余束髮以詩文投契今各華顛始見復

齋為詩沿波討源截斷衆流四十以後別裁偽
體轉益多師直登作者之堂乃猶虛懷若谷商
訂於侯子夸門方子方齋蔡子芳三徐子星友
諸君前後汰其原稿十之四編次為十卷其存
者皆荆玉海珠崇蘭竒木也惟是詩之用韻代
各不同先輩朱錫鬯與魏善伯論韻書言唐韻
本陸法言作孫愐刊定分二百有六部其書今
已無存淳祐中平水劉淵并為一百有七部唐
代用之古人兮韻雖嚴通用甚廣蓋嚴則韻之

本位不爽通則臨文不至於牽制其說當矣校
閱之下悉遵平水韻核定并附記之

漳平陳廣
一山跋

